



Agiru nogat gutpela haus long ples

Pes 3



Stanley Gene tingim olupela skul bilong em

Pes 8



Madang makim Intanesenel De bilong Nes

Pes 14



Hot Price!

SanDisk

Cruzer Blade

USB Flash Drive

Easy, reliable and secure storage solution

Capacity	Price
8GB	K17.60
16GB	K22.00
32GB	K38.50

Valid until 30th June 2016 or until stocks last

Only at...

THEODIST LTD

THE STATIONERY SUPERMARKET

Waigani Drive, POM
Ph: 313 9800
sales@theodist.com.pg

Markham Road, LAE
Ph: 472 5488
saleslae@theodist.com.pg

Nogat stop wok tude

NCD Gavana i tok...

NESENEL Kapitel Distrik Gavana, Powes Parkop i tok bai ol samting insait long Mosbi siti i ran nomol tude na ol polis i stap sambai long lukautim ples na pipel.

Mista Parkop i wokim dispela tok-tok bihain long ol toktok i kamap long sosel midia we Koalisen ov Sivil Sosaiti Grup i tok long pasim olgeta samting insait long Mosbi siti olsem ol manmeri i noken go long wok, no gat skul, ol PMV bas na ol teksi bai no inap ran inap Praim Minista, Peter O'Neill i lusim sia na larim ol i mekim ol wok painimaut long em.

Em i tok em i bung wantaim ol polis long NCD aste na tok i stap pinis olsem ol (polis) bai stap sambai long lukim olsem ol wok i ran nomol tasol.

Em i tok ol stua, skul, ol bisnis haus na pablik trenspot bai go het tasol, na em i singaut long pablik long rispektim loa.

"Yumi mas bung wantaim long wok na lukautim welfea bilong ol pipel bilong yumi na tu, gavman na ol Sivil Sosaiti grup," Mista Parkop i tok.

I go moa long pes 2...



Sampela nius ripota bilong ol midia kampani long Pot Mosbi, olsem PNGFM, TVWAN, The National, NBC, Wantok Niuspepa, FM100 na EMTV i bin go kaikai wantaim nupela Embeseda bilong Yunaitet Stets long PNG, Solomon Ailan na Vanuatu, Christine Ebert-Gray long Tunde 17 Me insait long Embesi haus bilong em long Touaguba Maunten long Pot Mosbi.

Hia ol ripota i kisim poto wantaim asisten bilong Embeseda, Anne R. Bowen, Pablik Diplomesi Profesenel Asosiet, (i sanap namba wan long hankais) na PR Opisa, Esther Sibona (sanap namba 2 long hankais) na Embeseda Ebert-Gray long namel. *Poto: US Embesei*

BOOK ONLINE
ANYTIME ANYWHERE

BOOK ONLINE NOW & PAY LATER

within 48 hours at your nearest Air Niugini Sales Office.

Call Toll Free on **180 3444** or contact your nearest Air Niugini Travel Centre or Travel Agent.

Air Niugini
www.airniugini.com.pg



High Protein Bakers Flour long **Flame**
Bai yu mekim planti moa skon na kamapim moa moni
 Mekim ol skon bilon maket wantaim flour ol trupla lain bilong bakeri save usim



Praim Minista tok promis long pinisim wok Agiru mekim

PRAIM Minista Peter O'Neill i tok promis long pinisim olgeta wok we Hela Gavana Anderson Agiru i no bin pinisim.

Mista O'Neill i mekim dispela toktok long las wik Sarere taim em i bin go long haus krai bilong Gavana Agiru long Tari.

Ol memba na bisnis lida bilong Sauten Hailans i bin joinim Mista O'Neill na moa long 200 kar i bin pulim lain i go long Tari.

Mista O'Neill i tok Gavana Agiru i bin mekim planti gutpela samting long kirapim Hela na Sauten Hailans provins.

"Sampela plen bilong em i stap yet. Sampela plen bilong em i kamap pinis. Mi bai wokbung wantaim ol lida bilong Hela na Sauten

Hailans long pinisim dispela ol hap wok we Gavana Agiru i lusim na i dai," Mista O'Neill i tok.

Em i tok wangepela bikpela samting Gavana Agiru i bin mekim em i dispela PNG LNG Projek.

"Yumi olgeta i save long dispela. PNG LNG Projek em i han mak bilong Gavana Agiru. PNG bai kisim bikpela benefit long dispela ges projek," Mista O'Neill i tok.

Em i tok Galp-Sauten Hailans Haiwe em narapela plen bilong Gavana Agiru.

"Em i bin laik long lukim Hela na Sauten Hailans i kisim sevis dispela rot. Taim i kontrakta i pinisim dispela rot, bai mipela kolim Agiru Haiwe," Mista O'Neill i tok.



Praim Minista Peter O'Neill i sekan wantaim Larry Andagali, pastaim PNG Power siaman na Menesing Dairekta bilong Trans Wonderland Ltd, long Tari long Sarere las wik.

Nogat stop wok tude - NCD Gavana i tok *I kam long pes 1...*

Mista Parkop i askim pablik long yusim gut fridom ol i gat long kamapim gutpela samting long helpim ol pipel, na i no long kamapim ol samting bai pulim trabel na hevi.

Polis Komisina Gari Baki tu i tok bai nogat samting insait long Mosbi siti bai pas, o bai nogat protes long tude Fonde.

Em i tok nogat, man o grup insait long NCD i wokim rikwes o askim i go long Pis na Gut Oda Komiti, na sapos sampela lain i holim ol bung o protes tude bai brukim loa.

Em i tok sapos ol i lukim sampela lain o grup i sakim tok na wokim samting long kirapim bel bilong ol narapela long stap insait long wok

bilong pasim olgeta samting insait long Mosbi siti, ol (polis) bai holim pasim na sasim em.

Komisina Baki i singaut long ol ektivis i laik stopim ol wok, PMV na ol arapela sevis eria moa long rispektim fridom na rait bilong wan wan man na ol kopret sitisen long mekim disisen bilong ol yet long go long skul, wok o karimaut ol wok bilong ol.

"I no gutpela long wokim ol tok-tok bai kamapim hevi long narapela. Sapos yu laik stap long haus olsem mak bilong protes, em i rait bilong yu, tasol yu no gat insait long fosim ol narapela long sapos

tim yu. Bikpela wari mi gat long en em long pablik oda, sefti na sekyuriti bilong olgeta.

Moa yet, bai mi glasim na skelim mesej o toktok ol i bin salim long sosel midia long pasim olgeta samting long Mosbi siti, na bai mipela i sasim husat man i bin putim dispela toktok i go autbikos dispela i kamapim pret pasin na wari long pablik, Mista Baki i tok.

Long wankain taim, Oposisen i wokim ol toktok long sapotim ol yunivesiti sumatin long kisi9m salens na stopim korap praim minister husat bai bagarapim kantri.

Oposisen lida, sam Basil i tok ol sumatin i lukim, glasim na skelim ol samting, na olsem ol lida bilong

dispela kantri long bihain taim, ol i lukim olsem ol samting olsem ikonomi bilong dispela kantri i no stap gut.

Em i tok Oposisen i no givim mani long sapotim ol sumatin, tasol em i rait bilong ol long wokim protes sapos ol i lukim olsem i gat samtinn i rong.

Em i tok sapos samting i kamap olsem birua, tupela Praim Minista O'Neill na Komisina Baki bai kisim tok sut.

Stat long dispela Tunde apinun na long ol taim i kam, ol polis nau i stap was long Yunivesiti ov Papua Niugini Waigani kempas long givim 24 awa sekyuriti long hap.

OL ripot i tok sampela sumatin i

lusim kempas pinis, moa yet, ol meri sumatin bikos ol i pret long ol trabel i ken kamap.

I gat ripot olsem liklik lain sumatin long mak bilong 50 bai wokim mas i no inap pulim hevi i go long Palamen tude wantaim strongpela tingting long askim Praim Minista Peter O'Neill i lusim wok olsem Praim Minista.

Dispela em i namba tri wik ol sumatin i no go long skul na i gat ol toktok olsem bai ol i witdro o lusim skul na go bek long ples.

Nau yet, Ilektral Komisin i wetim tok orait i kam long opis bilong Solisita Jenerel na Atoni Jenerel long ol yunivesiti sumatin i holim referendam vot.

Everyone is a winner on the

friendlier network

Buy and activate a new SIM and get a **FREE Day Pass.**

LIMITED PERIOD OFFER



5 mins voice
Any network in PNG

5 sms
Any network in PNG



76003555 or 1555
connect@bmobile.com.pg
www.bmobile.com.pg



Andrew Malingi (werim aiglas) wantaim ol boi bilong Gavana Agiru i sanap fran long olpela haus bilong em long Tapanda, Dauli.

Agiru no gat gutpela haus long ples

HELA Gavana Anderson Agiru i dai olsem wanpela turangu man, maski em i bin stap olsem wanpela bikman husat i bin gat planti mani.

Na em i no gat wanpela gutpela haus propeti, bisnis o invesmen. Em i no gat wanpela gutpela kar tu.

Dispela em i toktok bilong wanpela kandre bilong em long ples, Andrerw Malingi.

Mista Malingi i bin soim ol nus man long haus na ples bilong Gavana Agiru long liklik ples Tapanda long Dauli insait long Komo-Margarima illektoret.

Mista Malingi tokim ol nus man olsem Gavana Agiru i bin pait long kirapim Hela, Sauten Hailans na PNG.

"Yupela i lukim nau ya, i no gat wanpela gutpela samting i stap long ples bilong em yet stret.

Mama i karim em long hia, na em i bikpela long dispela liklik ples Tapanda.

"Em i pinisim hai skul na em i bin kirapim dispela haus. Insait long dispela haus, i no gat wanpela gutpela samting i stap insait.

"Ol man i lukim dispela haus na ol i no bilip olsem em i haus bilong biknem lida na gavana bilong yumi," Mista Malingi i tok.

Jiwaka givim bikpela sapot

HELA na Jiwaka bai sanap wantaim long gutpela taim na taim no gut, Gavana William Tongamp i tok.

Dokta Tongamp i mekim dispela toktok las wik Fraide long Tari taim ol manmeri na lida bilong Jiwaka Provins i kam long haus krai bilong Hela Gavana Anderson Agiru.

Dokta Tongamp i bin kisim K100, 000 mani, 50 pik, tupela kau na planti banana na kaikai long givim long haus krai bilong Gavana Agiru.

Dokta Tongamp i givim tupela bulumakau ya long Tari-Pori MP na Fainens Minista, James Marape.

"Mi makim maus bilong ol manmeri Jiwaka na kisim tok sori bilong ol i kam wantaim dispela ol samting," Dokta Tongamp i tok.

Em i tok Jiwaka i no gat risos olsem Hela i gat, tasol ol lida bilong Hela i bin gat gutpela tingting na ol i bin larim Palamen i vot long Jiwaka Provins bil pastaim.

"Mipela i no gat wanpela samting long helpim mipela. Tasol mi amamas long Hela Gavana Anderson Agiru i bin sanap wantaim yumi ol lida bilong Jiwaka.

"Long gavman, pablik sevis, spots, skul na long olgeta samting Hela na Jiwaka bai sanap wan-



Tupela buluma kau na ol banana na suga ken i kam long Jiwaka.

taim, long gutpela taim o taim no gut.

"Jiwaka i bin hangamap long teil bilong Hela. Sapos Hela i no

nap kisim provins, Jiwaka bai no nap kisim tu.

"Mi laik tok tenkyu long Gavana Agiru i bin mekim gutpela

wok long kirapim tupela nupela provins bilong yumi," Dokta Tongamp i tok.

Provinsal Administreta singaut long yuniti

HELA Provinsal Administreta William Bando i tokim ol manmeri Hela long stap isi na sanap wantaim long dispela taim no gut, taim Gavana Anderson Agiru i dai.

Mista Bando i tok Gavana Agiru i lusim yumi tasol Hela na ol pipel bai stap yet na provins i nidim lidasip bilong tripela open memba na ol arapela lida.

"Yumi mas sanap wantaim long dispela taim no gut. Yuniti em i bikpela samting. Yumi no ken kirapim trabel na pait.

"Yumi mas givim rispek long ol pipel bilong yumi. Ol ausait manmer tu bai kam long haus krai. Yumi Hela pipel yet i mas lukautim ol na soim gutpela pasin long ol," Mista Bando i tok.

Em i salensim ol manmeri long bihainim laipstail bilong Agiru, husat i no save pait na kros tasol husat i save daunim em yet na mekim gutpela pasin.

"Gavana Agiru em i man bilong laikim Hela na Sauten Hailans. Em i save laikim yumi olgeta. Yumi mas rispektim em na no ken kamapim wanpela trabel long dispela taim no gut," em i tok.

We have knowledge, history, experience and a commitment to PNG like no other financial institution.

We share a common bond - our culture, our community, our people.

Knowing that united we will be successful. Wherever you live, we know you, and we are there for you. After all PNG is our home – We are PNG, We are you.

LIVIKONIMO KOKI
BSP GOROKA BRANCH MANAGER
20 Years with BSP Bank

WE ARE BSP

BSP

www.bsp.com.pg

Ol Pasifik kantri i gat hop long gutpela turisem eksens

PLANTI Pasifik Ailan kantri i save stap long strong bilong wok bi-long turisem long kamapim ikonomi olsem na Saut Pasifik Turisem Eksens long Gol Kos, Australia i helpim long kamapim wanpela pletfom bilong helpim ol nesenel ikonomi bilong ol pipel long Pasifik.

Saut Pasifik Turisem Ogenais-esen Ekting Sif Eksektiv Alisi Lutu i tok sapos ol intenesenel lain bilong baim na salim ol samting bilong Pasifik, eksens i givim ol sans long rijon long mekim rot i klia long ol lain i stap long kain kain hap bilong wol i ken kam aninit long wanpela karamap tasol.

“Mipela i gat planti askim sapos Pasifik em i seif long ol nesural disasta na tupela bilong ol 16 Pasifik Ailan memba kantri, Fiji na Vanuatu, we turis i save go planti, i bin kisim taim long ol traipela bagarap insait long las 12-pela mun,” Lutu i tok.

“Tasol ol narapela lain Pasifik Ailan kantri i stap orait yet na tupela kantri we i bin kiisim bagarap em i kalap kam bek pinis na i wok olsem bipo na bikpela namba bilong turis i wok long go bek gen.

“Long wanpela Turisem Eksens long Nadi, Fiji, Praim Minista Frank Bainimarama i tokaut long namba wan tripela mun long yia 2016, Fiji i bin kisim 158,069 visita i go raun na em i makim olsem 10.2 pesen namba i go antap, winim mak bilong wankain taim long las yia.

Em i tok last kwota ripot bilong 2015 i soim olsem Pasifik ACP na SPTO memba kantri i kisim klostu long 503,060 turis we em i makim 3.5 pesen moa winim wankain taim long yia 2014.

“Wantaim pinis bilong Samoa Turisem Eksens na Fijian Turisem Ekspo long ol wik i go pinis, na wantaim SPTE i kamap long dispela wik, mipela i ting bai moa travel buking na nupela dil moa bai kamap long hap bilong mipela,” Lutu i tok.

Em i tok wok rere bilong Gol Kos bung em i go gut tasol long Gol Kos Konvensen Senta. Na long dispela ol i bilip bai planti lain tru kamap.

Saut Pasifik Turisem Eksens bai kamap long Seaworld Resot Konprens Senta long Gol Kos stat long Me 20 i go 21 wantaim rejistresen long Me 19 em tude.



Blu Hole Vanuatu. Wanpela gutpela turisem ples. Poto Intanet



ATTENTION!

Grade 10, 12 School leavers & Working Class...

Accredited & Recognized by the Government as a
HIGHER EDUCATION PROVIDER!

Like us on Facebook  Website: www.iti.ac.pg

APPLICATION IS OPEN FOR JUNE INTAKE!

ORIENTATION: May 18th-20th!

Certificate Courses (Day & Night Class)

- ▶ Certificate in Computing
- ▶ Certificate in Accounting
- ▶ Certificate in HR Management
- ▶ Certificate in Business
- ▶ Certificate in Sales

Diploma Courses (Day & Night Class)

- ▶ Diploma in Accounting
- ▶ Diploma in Management
- ▶ Diploma in Marketing
- ▶ Diploma in HR Management
- ▶ Diploma in Internet Technology
- ▶ Diploma in Information Systems
- ▶ Diploma in Information Technology
- ▶ Diploma in Networking
- ▶ Advanced Diploma in Accounting

We offer Day & Night Classes

Drop-off, Transport provided for Night Class Students

Contact these Campuses for more details:

POM Campus Phone: 320 2800	KIMBE Campus Phone: 983 5873	GOROKA Campus Phone: 532 2887	HAGEN Campus Phone: 7389 0468
LAE Campus Phone: 472 2790	ALOTAU Campus Phone: 6411 223	KAVIENG Campus Phone: 984 2703	KOKOPAU Campus Phone: 7162 5486/7913 2976

“Investing in quality & affordable education for your future”

PNG bai gat bikpela stopwok tude

I kam long ABC Tok Pisin Sevis long Redio Australia

Igat wanpela toksave i bin kamaut long tupela tredyunien bai pasim olgeta samting long olgeta hap bilong Papua New Guinea tude.

Niusmeri blong ABC long Pot Mosbi, Joy Kisselper i tok ol memba bilong tupela yunien bai straik long sapotim dimand bilong ol UPNG sumatin long Praim Minista O'Neill i lusim wok na larim kot i lukluk long ol tok sut agensim em i gohet.

Papa blong olgeta tredyunien long Papua New Guinea, Trade Union Congress we i go het wantaim lidasip isu bilongen yet, i no laik mekim wanpela toktok long dispela straik.

Long wankain taim, Joy i tok ol sumatin bilong UPNG i goihet wantaim sit-in protes bilong ol na ol polis i gohet long was long ol long kempas.

Long wankain taim, Governor bliong Oro provins long Papua New Guinea iitok ol pipel bilong Papua New Guinea i gat rait aninit long mama loa long karimaut

ol protes long ol bikpela wari ol i gat.

Gari Juffa i mekim dispela toktok taim ol pipel i wok long redi long mekim wanpela bikpla stopwok long kantri tude long soim tingting nolaik bilong ol egensim Praim Minista Peter O'Neill long ol korap pasin.

Dispela protes em ol Civil Society Grup i redim bilong sapotim ol yunivesiti sumatin bai mekim olgeta pipel i no go wok na tu olgeta skul bai pas.

Long wik igo pinis, ol sumatin long UPNG na ol pipel i bin laik mekim wanpela awenes mas long Pot Mosbi, tasol ol polis i bin stopim ol.

Long wankain taim, Yunivesitiilong Papua New Guinea Forum Siaman, Christoper Kipalan, i tok ol sumatin bai go het wantaim sit-in protes bilong ol maski Yuniversiti Sennet i pinisim 2016 akademik yia.

Em i tok em i moa-beta ol i misim tupela semesta bilong skul long wanem, ol ino laik bungim hevilong laiftaim aninit long kain Praim Minista O'Neill i wokim.

Kipalan i mekim dispela toktok bihain long

39 armed kar bilong ol polis i bin go insait long UPNG aste moning.

UPNG Administresen i bin singautim ol polis long go lukautim kam-pus, bihain long ol i askim ol sumatin long go bek long klas aste.

Tasol Christopher Kipalan i tok ol sumatin ol i no kriminal - na i wok long eksasaisim ol rait bilong ol.

Na Pot Mosbi Police bos, Benjamin Turi, i bin tokim Pacific Beat olsem ol polis bai stap long lukim olsem olgeta samting i stap orait taim ol klas i stat.

Mista Turi i tok em i no wok bilong ol polis long fosim ol sumatin long go long klas o nogat.

Long wankain taim, Presiden bilong Papua New Guinea People's Power Movement, Noel Anjo i tok olgeta samting bai orait sapos Praim Minista O'Neill i bin go kisim petisen bilong ol sumatin.

Mista Anjo i tok ol yunienna Sivil Sosaiti grup i sapotim ol sumatin.

Na em i tok kain pasin ol armed polis i go stap long UPNG kempus bai no help long pinisim dispela isu.

Skaut Sivaraina niusleta i kamap



SKAUT Asosiesen bilong Papua Niugini i kamapim namba wan niusleta bilong en wantaim nem, 'Skaut Sivaraina' long las wik Fonde insait long eria bilong Skaut Hetkwota long Pot Mosbi.

Skaut Sivaraina em i skaut nius na nem bilong em i stap olsem long tok pisin yet na long tok motu long soim tupela bikpela toktok we ol pipel long Papua Niugini i save yusim long ol laip na bisnis bilong ol.

Skaut Niusleta o Skaut Sivaraina, em Siaman bilong Skaut yet, Daniel Lingnoge i bin autim long ai bilong ol Skaut Grup Lida na ol Hetkwota wokman na meri.

Edministreta Noel Pinda i tok, Skaut Asosiesen bilong Papua Niugini i givim bikpela han tru long wok bilong kamapim dispela kantri, long lainim na developim ol yangpela man long kamap gutpela sitisen long stat bilong skaut long

1926 i kam inap nau.

Em i tok, kamap bilong Skaut Sivaraina em i wangepela hap graun moa ol i kisim olsem bihain long 50 yia bilong skaut wok i stap long Papua Niugini.

"Nau mipela i gat pablikesen tim i stap long soim ol wok bilong mipela na tu long tokaut long ol wanem kain ol ektiviti bai kamap na tu long ol program bilong skaut long kantri," Mista Pinda i tok.

Ol skaut grup i soim ol piksa bilong niusleta long taim bilong lonsim las Fonde. *Poto: Skaut Asosiesen.*

Yangpela PNG na Australia bisnis lain i bung

MOA long 50 yangpela man na meri husat i gat bikpela laik long wok bisnis i bin kam bung long Pot Mosbi long autim tingting bilong ol long wanem ol we bilong mekim bisnis i go bikpela, long wik i go pinis.

Australia Hai Komisen wantaim Lowy Institut i bin go pas long holim raun tebol miting bilong ol yangpela bilong Australia na PNG husat i laik kamap bisnis man na meri long taim bilong PNG-Australia Bung Wantaim-Yumi Poroman Wik.

I bin gat 8-pela ges spika, 4-pela bilong Australia na 4-pela bilong Papua Niugini. Ol spika i bin toktok long ol salens we ol i save winim long wanem samting ol i lainim long ol dispela salens long laip bilong ol olsem ol bisnis man.

Australia Hai Komisina, Bruce Davis, i tok welkam long ol lain i kamap na em i toktok long bikpela wok we ol stat ap enteprais i save mekim long helpim ikonomik bilong kantri i gro. "Em i wan wan man na meri olsem yu, husat i save givim samting long ikonomik developmen, long kamapim nupela we bilong mekim samting na long bringim gutpela senis long tupelo kantri bilong yumi," Mista Davis i tok.

"Rot bilong kamap namba wan bisnis man o meri em i gat planti hatwok, tasol i gat gutpela samting tu i stap. Mi hop olsem kain ol taim olsem bai mekim yupela long tingting na wok strong yet na tu bai givim moa strong long yupela," Hai Komisina Davis i tok.

Raun tebol toktok em i wangepela wok bilong Lowy Institut wantaim helpim bilong Australia Gavman, bilong Australia-PNG Netwok we i save bungim ol pipel bilong Australia na PNG.



Risets Felo bilong Melanesia Program na Projek Dairekta bilong Aus-PNG Netwok long Lowy Institut na siaman bilong raun tebol toktok, Jonathan Pryke, i tok kliia long as bilong kibung.



Australia Hai Komisina, Bruce Davis givim toktok bilong em long opim miting.



Sampela lain husat i bin stap long raun tebol toktok.

Goroka haus sik kisim skena masin

Loutova Siapea I raitim

OL nes long Goroka Provinsel Haus sik long Isten Hailans I bin kamapim bikipela pasin amamas long taim oll bin selebretim 'Intanesenel De bilong ol Nes' long las wik Fonde.

Ol nes na helt woka bin selebret wantaim ol kainkain klinikel ektiviti o program na ol i wokim tu helt awenes insait yet long haus sik, stat long bikmoning 5 kilokl go inap program i pinis wantaim ol kaikai na kek long apinun.

Antap long dispela pasin amamas, haus sik i lukim narapela samting we i dabolim amamas bilong en.

Na amamas i dabol long taim haus sik i kisim wanpela bikipela presen em altra saun skena masin em ol patna na asosiet bilong Australia insait long Hailans Faundes-grup na Rotary Klap bilong Goroka i givim.

Ekting Sif Eksekutiv Opisa bilong Isten Hailans Provinsel Helt Atoroti (EHPHA), Joshua Soso, husat I bin kamap long opisiet na kisim dispela donesen I tok, dispela masin em I kam long bikipela we, long wanem, haus sik i nidim kain masin long helpim ol siklain we em bai isi long glasim na luk-save gut long ol sik pastaim bipo long ol helt woka bai iken givim raitpela marasin long oraitim sik billong ol.

Em I tok, nau yet, dispela masin bai I go long eksiden na imejensi yunitna ol bai yusim long glasim na



Donesen bilong Altra-Saun Skena masin: Ol ripresentativ bilong Australian Koles bilong Neonatal, Nes Karen New, i prisenim altra saun sken masin I go long Ekting Sif Eksekutiv Opisa bilong Isten Hailans Provinsel Helt Atoriti Joshua Soso. Na lukluk I stap em OIC bilong TB/Hiv wod Koren Paul (lep) na Anna Inji, supavaisa bilong Eksiden na Imenjensi yunit bilong Goroka Provinsel Haus sik. *Poto: Loutova Siapea*

sevim ol siklain husat i kamap long haus sik long kisim sevis.

"Olsem man I go pas long olgeta operesen bilong ol haus sik, helt senta na EHPHA, mi gat bikipela amamas tru long ol patna na asosiet bilong mipela na ol pipel bilong Australia husat I wok long helpim na sapotim mipela wan-

taim dispela kain ol masin na hai tek (high tech) ikwipmen.

Na mipela mas I go het long strongim dispela patnasip, wok-bung wantaim na bringim ol helpim I go daun long ol pipel bilong 8-pela distrik long provins", Mista Soso I tok.

Ripresentativ bilong Australian

Koles bilong Neonatal Nurse Karen New husat I bin wokim prisentesen I bin tok dispela masin em I no nap kamap long Goroka Provinsel Haus sik, tasol wantaim hatwok na helpim bilong planti ol grup na bikman meri long Australia, na wanpela long ol em biknem ragbi lig spotsman, Mal Meninga husat em

ol I bin go pas long resim ol fans long baim dispela masin na bringim I kam long Goroka haus sik.

Em I tok ol patna na asosiet bai amamas tasol long helpim Goroka haus sik na ol pipel bilong Isten Hailans provins.

Manmeri i mas no ken tingting planti

Josiah Ururu Kana i raitim

PAPUA Niugini nau i wok long lukim planti pipel i save dai taim ol i yangpela yet bikos long ol planti wari na tingting ol i save gat. Long tok Inglis, dispela samting ol i kolim "Stress"

Ol yangpela man na meri kris-mas namel long 45-65 i wok dai nating na i no gat klia as tru bilong wanem ol i dai. Planti i save pun-daun nating na ol famili o pren i kisim i go long haus sik tasol, ol i save dai. Planti tu nau i save slip tasol na i dai. Tingting planti o stress i save kamapim sik long lewa na ol narapela bikipela masin bilong bodi insait olsem ol kitni, diva na ol bel rop na tu long kru bilong het. Planti pipel husat i save mekim wok long ol opis na i gat planti wok tasol ol i no gat inap taim long pinisim, olsem na ol i tingting planti long dispela.

Stres em i wanpela bikipela rot we ol pipel i save painim dai, maskim wanem kain krismas ol i gat, olsem 40, 60 o 70. Olsem na yumi mas save long ol wanem kain we bai yumi inap long daunim



pasin bilong tingting planti o stress.

I gat planti samting i kamapim stress tasol mi laik toktok long we bilong bungim ol wok i go planti tumas na i no gat inap taim long mekim olgeta insait long taim yu makim long en. Planti taim yumi save bungim wok na skruim taim bilong wokim i go, i go na taim i

pela presen we em i save holim bipo, nau na bihain bilong wan wan man na meri. Yumi mas lukim taim olsem em i makim rot bilong wan wan man na meri. Menesmen em i olsem wanpela ki we bai opim dua. No gat ki bai yu no opim dua.

Taim Menesmen em i toktok long we bilong wan wan manmeri

i lukautim taim bilong ol long laip. As tingting bilong Taim Menesmen em long tingting long olgeta samting bai yu wokim long taim yu kirap long moning taim inap long taim yu bai slip insait long wanpela 24 aua de. Nau yu bai putim ol dispela wok o samting yu bai mekim, bihainim ol aua o taim i stap. Yu putim wanem samting em i moa impoten i go pas na i go daun olsem.

Komitmen em i save toktok long bikipela tingting yu gat long mekim wanpela wok yu laikim ol we yumi mas mekim. Taim yu no gat komitmen o strongpela tingting long mekim ol wok bilong yu, orait em yu opim dua long stress o tingting planti bai kam insait.

Sapos yu gat komitmen bai yu inap long bihainim taim menesmen bilong yu na bai yu no inap long kisim stress bikos yu bai wokim ol samting long skel bilong ol wan wan.

Disiplin em i narapela samting we bai helpim yu long abrusim stress. Wanpela bikipela man bilong bipo i bin tok olsem, disiplin em i wanpela tambu we yu yet

kamapim long banisim yu. Ol pipel i save save lusim planti taim long amamas long bodi. Sapos yu bihainim laik tasol long sindaun painim amamas olsem stori nating, o pilai kas o pilai long fesbuk nating na i no gat trupela mining, em yu no gat disiplin.

Na sapos yu skul sumatin, bai yu lukim olsem yu bai resis wantaim taim sapos wanpela skul asaimen bilong yu i no pinis long taim bikos yu westim taim long ol samting i no gat mining.

Long tingting bilong sampela save man, ol i tok olsem Stres em i bikipela kain wei bilong givim hevi long tingting o kru bilong het. Yu tingting planti tumas bai em i mekim het bilong i pen na bodi bilong yu bai i no gat strong na em inap kamapim bagarap long bodi na inap long kamapim dai tu.

Lukautim gut taim bilong yu, tingting gut long mekim ol wok long taim na tingting strong long bihainim taim we yu mas mekim wok long en na disiplin o putim tambu long westim taim nating long ol samting i no gat mining tumas na bai yu abrusim stress.

Madang i no gat gutpela drein sistem

James G. Kila i raitim

MADANG taun i no gat gutpela drein sistem o rot bilong wara i ron gut i go aut na dispela i kamapim planti wara i bung na solap i stap na mekim ples luk no gut stret.

Planti ol pablik long Madang i wok long toktok olsem Madang taun i nidim stret gutpela simen dreins sistem we wara i kamaut long kapa bilong ol bikpela stua o bilding namel long taun i ken bihainim stret na go daun long solwara.

Wanpela lokal lida man, Peter Morgan i tokaut olsem pastaim i bin gat bikpela baret i stap namel long taun we ol wara i save ron bihainim i go na go daun long solwara. Tasol nau sampela lain Esian i wokim stua antap long dispela eria na pasim drein o baret we wara i ken bihainim na go aut long solwara.

Mista Morgan, husat em i stap liklik yet na go bikpela long Madang taun i tok planti ol wok i kamap long rot long taun tu i lukim ol rot kontrakta i no save wokim ol wok stret long kamapim ol gutpela drein sistem. Ol save putim simen tasol na larim wara i ron long laik bilong en yet i go daun long solwara.

Nau yet bikpela hevi i stap bikos planti ol eria namel long Madang taun i gat ol baret wara i nogat rot long goaut na i solap i stap. Wanpela long ol eria em namel long Nesenel Developmen Benk (NDB) na Air Niugini opis. Dispela wara i solap na bagarapim rot we i go olsem long Post Opis na Telikom opis.

Planti ol pipel long Madang nau i askim Madang eben lokal level gavman na ol lain long atoriti long traim painim mani long stretim dispela bagarap long taun.

Ol i tok Madang em turis taun long PNG, tasol i gat moa wok i stap yet long wokim em i kamap gut long sait long infrastraksa insait long taun.

Minista Abel opim namba 9 NIDA projek opis long Madang

James G. Kila i raitim

WANPELA liklik sere-
moni wantaim naispela
kala bilong tumbuna
singsing we i makim
Madang stret i welkam
long Minista bilong Ne-
senel Plening, Charles
Abel long las wik Fraide
taim em i go long opim
nupela Nesenel Aidenti-
fikesin Projek ofis na lon-
sim program long
Madang provins.



Minista bilong Nesenel
Plening, Charles Abel

Dispela nupela PNG NIDA projek opis long Madang em namba 9 we Nesenel Plening aninit long NIDA Projek i opim insait long PNG aninit long rolaut program bilong en.

Memba bilong Madang na Minista bilong Trensport na infrastraksa, Nixon Duban i bin stap long welkam long Mista Abel long opim dispela nupela NIDA opis we i stap long Madang provinsal hetkwata.

Gavana bilong Madang, Jim Kas i no bin stap long seremoni na long nait tu, long taim bilong sainim memorandum ov agrimen (MOA) bilong dispela NIDA projek long Madang tu i no lukim em i stap.

Mista Abel i tokim tokim ol manmeri husat i bin stap lukim seremoni long Madang provinsal hetkwata olsem sivil rejistri em i no nupela samting. Em i bin stap bipo pastaim long independens na tu bihain long en.

Em i tokaut olsem dispela opis nau em ol i senisim tasol nem i go olsem sivil na Aidentiti rejistri olsem hap bilong wok i stap pastaim we nesenel gavman i strongim tasol wok bilong en na i laik bringim i go long ol provins long helpim long kisim stretpela rekot bilong ol pipel long kantri long helpim gavman long wokim ol plen bilong en.



Bikpela baret namel long NDB Benk na Air Niugini opis long Madang taun i mekim ples i luk nogut stret.
Foto: James G. Kila



National Capital District Commission
Community & Social Services Department
WASTE MANAGEMENT DIVISION



Enuel bekyad klinap

Was long pablik helt na envairomen wantaim Sastenebel Weist Manesmen



Rejistresen De: 11/04/2016 – 30/05/2016 Taim: 9:00am – 3:00pm
NCD Weist Manesmen opis i stap long Level 1 bilong nupela City Hall Building long Waigani Drive.

Nesenel Kapital Distrik Komisin i laik tok save olsem bai ol i kamapim gen dispela enuel program bilong rausim ol bikpela pipia. Dispela program i givim sans long ol pipel long siti long klinim bekyad na rausim ol bikpela pipia long dispela fri sevis.

Mipela invaitim ol residen na skul long rejista sapos ol i laik stap insait long dispela program. Dispela program i bilong rausim ol bikpela pipia em NCDC i no inap long rausim nau. Ol kain samting olsem olupela frisa na stov, ol sia na tebol, bodi bilong kar, ol bikpela toi, olupela kompiuta, ol bikpela skrep metal na ol kain samting olsem.

Program bai ran long ol stej na bai stat long Jun na pinis long Ogas 2016. Bai mipela tok save long de na ples bilong kisim ol pipia bihain long rejistresen i pinis. Yu ken kisim ol rejistresen fom long email o telepon o go lukim Waste Management Division long City Hall. Kisim moa tok save long Miss VIVIANNE MOROFA long Phone; 3234 0788 o email; VivianneM@ncdc.gov.pg o JANET HAUA long Phone; 324 0789 o email; JanetH@ncdc.gov.pg

Rejistresen em bikpela samting bikos em i givim tok orait long NCDC long kisim olgeta samting. Olgeta dispela pipia bai kamap propeti bilong NCDC long taim ol i kisim na Komisin bai rausim long wei em i ting i orait.

Rejistresen bai pas long 30th Me, 2016.

Authorised by
LESLIE ALU
City Manager

Stanley Gene tingim olpela skul bilong em

Stori na ol poto i kam long
Loutova Siapea long Goroka

**HUSAT man o meri bai ken tingim
olpela skul bilong em na bringim
ol gutpela skul samting i go bek
long sapotim skul bilong em?**

Emi wanpela bikpela askim, na bekim bilong en, em i hat liklik bikos planti ol man na meri ino save tingting long go bek na helpim skul bilong ol.

Tasol i gat wanwan ol sumatin i stap husat i save tingim yet olpela skul bilong ol we ol i save bringim ol helpim i go bek long sapotim skul.

Na planti ol politisen na bisnis man na meri i save mekim dispela pasin we ol i save go bek long olpela skul bilong ol na givim helpim long skul.

Tasol long wanpela praimer skul long Goroka taun long Isten Hailans, stori bilong em bai narakain liklik, long wanem, helpim na sapot em i kisim i no kam long wanpela politisen, bisnisman o bisnismeri. Em i kam stret long wanpela biknem intanesenel ragbi lig sta na sportsman, em Stanley Gene.

Olsem wanpela liklik yangpela pikinini husat i save stap long ol setelmen olsem long Genoka na Piswara setelmen, Gene, bipo long em i bin mekim we bilong em i kam antap long ragbi lig spot, em i bin go long Is Goroka Praimeri skul na statim skul long leit 1970's na eli 1980's.

Taim em i statim skul, em i no bin kisim gutpela tingting long skul gut.

“Skul em i ples bilong kisim save olsem na mi go long lainim na kisim save long rit na rait”, Gene i tok.

Em i tok, taim em i wok long skul yet, em i bin amamas long tgo insait long ol kainkain spot. Na taim em i traim long pilai ragbi lig, em i lukim olsem dispela spot em i namba wan. Olsem na long lolgeta de bihain long skul na olgeta wiken, em i no save stop long pilai ragbi lig insait yet long dispela praimer skul graun.

Taim em i kamap long mak bilong 15 o 16 yia, em i go aut na long pilai insait long ol Gahuku opisen viles ragbi lig kompetisen o resis we moa long 20-pela tim i save kamap na pilai long Nesenel Pak long Goroka yet.

Na taim em i wok long i go i kam na tekpat long dispela opsisen resis, em i stat long developim ol skil o save na tu putim aut long ples klia ol hiden o hait talen.

Dispela i kamap na ol opsisen lig



Noken paul, “Dispela em i olpela skul bilong mi, olsem na mi Stanley Gene olsem papa bilong Stanley Gene Faundesen long Ingran i gat olgeta rait long bringim ol skul saplai i kam bek long Is Goroka praimer skul”.

opisels i stat long luksave na putim ai long Gene husat emki yanpela man, tasol em i wok long pilai gut tru long olgeta wiken.

Gutpela pefomens bilong em i mekim naol selekta long Gahuku lig i makim em long go antap long pilai long narapela level, na dispela em long pilai insait long Goroka taun lig kompetisen o resis.

Stat long dispela taun lig resis Gene i pilai i go antap long ripresentativ level we em i makim Goroka, Lahanis Intasiti tim bilong Isten Hailans, PNG Kumuls na igo antap moa long intanesenel level we em i sainim kontrek long pilai wantaim wanpela ovasis supalig ragbi lig klab em Hull Kingston Rovers long Ingran.

Dispela kontrek em i no pinis hariap, na bihain long moa long 20 yia, Gene i kamap olsem wanpela gutpela spots embaseda we em i bringim bikpela sevis i go long klap bilong em olsem wanpela pilaia na bihain olsem wanpela opisel.

Na bikos long dispela sevis, Gene i pulim planti ol sapota we i mekim na gavman bilong Ingran i luksave na givim em sitisensip we em i kisim tok orait long i stap na wok olsem wanpela klap opisel long Ingran.

“Tru olsem mi kisim sitisensip long stap long Ingran inap moa long 20 yia, em i longpela taim liklik. Tasol dispela ol yia i no wes na wara was nating long Ingran. Taim mi wok long pilai na bihain kamap olsem wanpela klap opisel long Ingran, mi bin kisim sampela tingting long kamapim wanpela sariti ogenaiesen we mi ken wok wantaim ol arapela lain long givim helpim na sapotim ol turangu lain



Papa bilong Stanley Gene Faundesen bilong Ingran, Stanley Gene wantaim bod siaman Simon Parak i wokabaut i go long steij long prisentim ol skul saplai i go long olpela skul bilong em long Is Goroka praimer skul long Isten Hailan.

long PNG, Ingran na ol arapela lain tu husat i gat nid, bai mipela i ken helpim ol”, Gene i tok.

Em i tok, taim dispela tingting i kamap strong, em i no westim taim. Em i bungim ol wan wan pilaia na sapota bilong em na ol i kirapim wanpela faundesen em ‘Stanley Gene Faundesen’.

“Mipela olsem ol memba bilong faundesen i luksave olsem i gat nid bilong ol turangu lain em i stap long olgeta hap long wol.

Planti long ol em ol pikinin husat i save i go long skul, tasol ol i nogat ol gutpela samting olsem ol kompyuta masin, steseneri, des, tebol na sia, failing kabinet, opis ikwipmen, laiberi na teks buk na planti ol arapela samting we ol skul pikinini iken yusim long lainim, kisim skul na save long en.

Olsem na mipela i kirapim dispela ogenaiesen long helpim ol pikinini na ol man na meri tu”, Gene i tok.

Em i tok, taim faundesen i kirap, em i no lusim tingting long olpela skul bilong em.

“Olsem sitisen bilong Ingran, mi save wok na stap long hap. Tasol taim mi kisim malolo, mi save raun i kam bek long ples bilong mi em Goroka.

Na mi save go raun na lukluk long olpela skul bilong mi na mi luksave olsem ol pikinini i nidim planti samting long skul. Olsem na long wanpela taim, mi bin bungim ol skul bod wantaim ol tisa na mipela i paitim toktok na wanbel olsem Stanley Gene Faundesen bai bringim helpim i go long skul”, Gene i tok.

Taim ol i pasin toktok na wanbel,

Gene i go bek long Ingran na i bin wok hat tru wantaim ol memba bilong faundesen long kisim ol saplai bilong Is Goroka Praimeri skul.

Gene i tok, wok i go het gut long painim ol skul saplai, na long September las yia, faundesen i pulumapim tupela bikpela kontena wantaim ol skul saplai na sipim i kam long Lae, Morobe provins.

Skul bod i bin go daun long Lae na peimK21,000 long mitim kos bilong sipmen na kastoms kliarens na movim tupelo kontena i go antap long Goroka.

Long Fraide Oktoba 16, 2015 bikpela pasin amamas na selebresen i bin kamap na kukim stret skul graun long taim papa bilong faundesen Stanley Gene i opim tupela kongtena na donetim ol skul saplai na spots yunifom i go long ol skul pikinini husat i save igo long olpela skul bilong em.

Dispela donesen i bringim planti aiwara long ol sumatin, ol tisa, ol papa na mama na long eksekutiv tresera o man husat i go pas long lukautim fainens o mani bilong faundesen long Ingran, Kevin Deakins.

Deakins i tok em i no save lukim kain pasin bilong selebresen na amamas long Ingran na ol arapela kantri.

“Faundesen i save raun na helpim planti ol skul pikinini long Ingran na ol arapela kantri tu. Tasol long soim pasin bilong amamas long kisim ol saplai bilong skul em ol i no save soim. Is Goroka praimer skul em i soim trupela kala bilong pasin amamas long kisim ol saplai, olsem na long dispela gutpela pasin tasol, faunde-

sen bai i go het long kapsaitim na givim moa saplai i go long Is Goroka Praimeri skul”, Deakins i tok.

Siaman bilong skul bod, Simon Parak itok, planti taim ol skul i save kisim sapot long ol politisen na ol bisnis lain.

asol long Is Goroka praimer skul, em i narapela stori olgeta, long wanem, wanpela olpela sumatin bilong skul bai i ken lukluk bek long helpim skul.

Em i tok skul i save kisim moa long 1,000sumatin, stat long elementri na i go antap long gret 8. Na dispela ol saplai i kam long Stanley Gene Faundesen bai givim bikpela helpim tru long ol sumatin.

Tresera i lukautim fainens bilong skul Jack Gopave i sapotim toktok bilong Parak na i surukim toktok i go moa na tok amamas long dispela donesen bilong ol skul saplai em Stanley Gene Faundesen i givim long helpim skul.

Em i tok dispel gutpela pasin i bringim amamas na smail igo long ol sumatin husat bai kisim helpim long dispel donesen.

Gopave i salensim ol arapela biknem sportsman na meri long bringim kain helpim igo bek long olpela skul bilong ol long wankain pasin em Gene i mekim long en.

“Sapos Stanley Gene i ken mekim, olsem wanem long yu?” Gopave i askim.

Stanley Gene Faundesen i tok aut tu olsem em bai strongim dispela pasin billong helpim ol skul pikinini, olsem na em bai go het yet long sapotim Is Goroka praimer skul wantaim ol skul saplai long ol yia i kam bihain.

Skul sumatin raun i go long LNG Plent

OL gret 8 sumatin bilong Lealea Paimer skul long LNG Plent ausait tasol long Pot Mosbi i bin go lukluk raun insait long LNG plent long lainim save long we bilong wok insait long LNG plent.

ExxonMobil PNG Limited (EMPNG), opereta bilong PNG LNG Projek i statim ol skul lukluk raun program wantaim ol skul we i stap insait

long LNG eria, long las yia na em bilong givim ol tingting na strongim ol sumatin long stadi hat na wok strong long skul bilong ol.

Bobby Siai, wanpela gret 8 tisa long Lealea praimer skul i bin amamas olsem ol sumatin bilong em i bin gat taim bilong go insait long dispela program.

“Dispela program em i gutpela long ol

sumatin bikos em i helpim ol i lainim samt-ing long eria bilong saiens, teknoloji na matmatik o namba,” Mista Siai i tok.

Papa na Lealea praimer skul i bin go lukluk raun long LNG Plent insait long mun Epril na mun Me. Porebada na Boera praimer skul bai go insait long Plent namel long Jun na Julai.

Ol tisa i aut long perol

EKTING Seketeri bilong Edukesen, Dokta Uke Kombra, i tokaut pinis olsem ol 7,941 tisa husat i no salim ol pepa bilong statim wok i go long Edukesen Dipatmen long Waigani bai raus long pe rol bilong edukesen dipatmen.

Long wanpela tok-save pepa long stat bilong mun Me, Ekting Seketeri, Dokta Kombra i tokaut olsem long Pe Namba 10 o Pei De long 11 Me, 2016, ol dispela tisa bai i no inap long kisim pe bilong ol. Bihain long ol i saspem ol tisa long pei, Dokta Kombra i tok ol i mas salim ol

pepa bilong statim wok o (RoDSS) long Provinsal Edukesen Edvaise na bai ol i go bek gen long pei rol.

Antap long dispela, Dokta Kombra i tok olsem ol nupela greduet tisa bilong Paimer skul Tisa Koles, Yunivesiti bilong Goroka na Pasifik Edventis Yunivesiti bai stap long pei rol taim ol i kisim ol pepa bilong statim wok.

Ol dispela pepa em; kopi bilong ol kwalifikesen ol digri o diploma pepa, kopi bilong tisa rejistresen setifiket, Diuti Tisa Rekot bilong Apoinmen, na Risamsen bi-

long Diuti Samari Pepa. Em i tok olsem ol atoriti long provins i kisim toksave pinis long laarim pe bilong ol tisa long alesco pe rol sistem i go inap long pinis bilong mun Epril.

Dispela taim em inap long ol i stretim ol pepa bilong ol na givim ol atoriti long sainim na putim stem na salim i go long Waigani.

Moa long dispela Dokta Kombra i tok olsem Dipatmen i gat ol ripot bilong ol tisa i statim wok long dispela yia na em i gat 56,273 rejista tisa we ol i mas statim wok long stat bilog yia

2016. Tasol long taim bilong statim wok, ol i lukim 48,332 tisa tasol i statim wok olsem ol rekot bilong RoDSS we i kamap long Waigani long pinis bilng Epril. Dispela rekot i soim olsem 7,941 tisa bai stap aut long pei rol stat long Pe Namba 10 long 11 Me, 2016.

Dokta Kombra i singaut long ol provinsal atoriti long helpim ol dispela lain tisa husat nem bilong ol i stap long saspensen long putim ol pepa bilong i go long opis bilong Edukesen Dipatmen long Waigani hariap na bai ol i ken putim ol bek long perol.



EMPNG Operesen Teknisen, Edna Maniot, i skulim ol gret 8 sumatin bilong Lealea praimer skul long ol wok bilong LNG Plent insait long plent yet.

Treid Pasifik givim skul kit

TUSEN Fi Fri Edukesen (TFFE) o no gat skul fi em i wanpela bikipela asenda bilong O'Neill-Dion Gavman, we i pulim tingting bilong olgeta pipel long putim ol pikinini long skul, tasol long dispela taim, gavman i nidim ol arapela patna long mekim dispela i kamap trupela samting.

TFFE i givim gutpela taim long papa na mama na ol sponsa long kisim win na larim ol pikinini long kisim fri edukesen na ol i ken yusim mani long ol narapela samt-ing ol i nidim long laip.

Treid Pasifik Ltd em i wanpela kampani we i winim tenda long 2014 na i bin mekim gutpela wok tru long bringim olgeta skul kit i go long olgeta Provins,

Distrik na LLG skul long kantri. Dispela i bin givim bek ripot bilong 2014 distribusen bilong Komoditi Komponen long Novemba, 2015 i go bek long Minista bilong Edukesen, Nick Kuman.

Bihain long dispela Treid Pasifik Kampani i no harim gen long gav-

man long ol bai go het yet wantaim wankain kontrak na prinin na bringim ol sumatin kit i go long ol skul o nogat. Ol i redi tasol gavman i no redi olsem na em i Tem 2 pinis na ol pikinini i mekim skul olsem wanem?

Tupela wik i go pinis, long namba 2 wik bilong Tem 2, Pari Paimer skul i kisim skul sumatin na tisa kit we Hetmasta bilong ol i yusim mani bilong edministresen long putim liklik mani long Treid Pasifik na askim ol long bringim ol dispela samting i go na givim ol.

Gutpela wei bilong Treid Pasifik em long wokim wan wan mekpas bilong wan wan sumatin na wan wan tisa na tu ol sistem bilong bihainim na holim rekot bilong olgeta samting ol i givimaut.

Treid Pasifik i mekim gut long wanem, em i opim dua long ol skul long Pot Mosbi i ken toktok wantaim kampani na kisim ol skul kit long dinau na bihain ol i ken baim taim TFFE mani bilong ol i go insait. ‘Edukesen em bilong olgeta,

edukesen em bilong wan wan manmeri na pikinini,’ olsem na gavman na komyuniti i mas mekim samting long mekim ol pikinini i mas amamas long go long skul na ol tisa tu i mas amamas long go long skul.

Ol skul i wok long wet yet long kisim mani bilong TFFE, tasol Treid Pasifik i wok aninit long Pablik-Praivet polisi long bringim helpim long ol pikinini bikos em i rait bilong ol long kisim edukesen.

Jeneral Menesa bilong Treid Pasifik na ol opisa bilong em i tok, ol i amamas long lukim smail long pes bilong ol sumatin na tisa taim ol i kisim ol wan wan skul kit bilong ol.

Wanpela sumatin kit em i kos K100 na long tripela tem em i kostim K300 long Treid Print i printim na pasim ol mekpas bilong wan, wan sumatin. Antap long dispela Treid Print i prinin tu ol monitoring fom na ol i givim fri rula long wan wan pikinini long wanpela skul tu.



Sam Lora, Asisten Seketeri bilong NCD Edukesen Divisen, i givim ol piksa mekpas bilong sumatin kit i go long wanpela gret 8 sumatin bilong Pari Paimer skul. Poto: Frieda Sila Kana

Jeneral Seketri bilong PNGNTA long Sauten Rijen, Raymond Ray i bin tok. “Sapos ol skul long siti i no kisim yet ol skul matiriel na nau i go long Tem 2, olsem wanem long ol rurel eria? Ol tisa bilong mipela long Oro nau i wok long redi long stopim ol skul bikos ol i les pinis long painim ol skul matiriel bilong ol yet long skulim pikinini.”

Taim Treid Pasifik i bin givim

TFFE Komoditi Komponen distribusen ripot long las yia, Minista bilong Edukesen i bin stap long kisim na em i bin bin stori long sampela ol skul we i stap longwe tru long rurel eria we sampela i save yusim ol lip saksak o karuka long rait.

Polisi i gutpela tasol gavman i no wok bihainim taim bilong skul yia na ol pikinini na tisa wantaim ol komyuniti i wok long wet yet.

Stori na Wok

wantaim Elizabeth Cox

Planim Kainkain Kaikai Long Gaden Kaikai

Toksave: Yumi toktok olsem i gutpela kaikai long famili bilong gaden na kisim na wokim gaden gen kainkain gutpela kaikai long famili bilong yumi.

Sapos yu inap long wokim olsem bai ol pikinini bilong yu painimaut olsem yumi inap wokim kainkain gutpela na switpela kaikai long ol gaden kaikai – i winim tru samting bilong stua. Na bai ol i amamas long nutrisen kaikai.

Wanpela we em i kain kain we long miksim kaikai yu kukim. Na i gat sampela we bilong wokim gaden we ol kain kaikai o dring i kamap wankain o moa gutpela long old ring na kaikai bilong stua. Sampela bilong dispela kaikai em i bilong putim long haus na kaikai “enitaim’ na wanem taim yu laikim. Sampela long ol dispela kaikai i no save bagarap o sting kwik.

Sampela ol kain kaikai yumi inap wokim na kaikai em i pinat bata na drai banana (o banana sip). Ol i no kostim bikpela mani olsem ol rabis loliwara na sispop bilong stua.

Sapos yu ritim Liklik Buk o Save na Mekim, yu inap long painimaut we bilong wokim ol dispela kain kaikai. Yu ken rait long – Liklik Buk Information Centre, PO Box 1920 Lae, long baim buk.

Ol Meri Inap Long Mekim Wanem?

Taim ol meri i bung em i gutpela taim long traim ol dispela nupela we bilong wokim kaikai na dring long gaden kaikai.

Namel long grup meri yu ken wokim sola draia bilong draim ol prut (na sit bilong planim tu!).

Yupela ken bungim prut bilong yupela wan wan meri na traim dispela wok. Wokim pastaim long yupela yet na sapos wok bilong yupela i kamap gut yu ken tingting long wokim na salim (na resis wantaim long ol dispela rabis dring na loli ol i save salim long stua na grisim ol mangki bilong yumi).

Sapos ol meri inap wokim gutpela dispela wok, bai ol i gat nem na bai ol i painim nutrisen wantaim.



ExxonMobil PNG inves long givim trening long ol meri PNG

NAINPELA meri PNG nau i redi long kamapim sosel na iekonomik senis insait long ol komyuniti bilong ol bihain long ol i kam bek long trening long Indonesia.

ExxonMobil em bikpela PNG-LNG Ges Projek i bin sponsaim ol meri aninit long, The Global Women in Management (GWIM) program na Women’s Economic Opportunity Initiative.

Trening i bin kamap insait long 5-pela wik long Jakarta, Indonesia.

Long wanpela seremoni ol i bin holim long tok welkam long ol meri i pinisim kos, Daniel Worrall em Pablik na Gavman Afeas Menesa wantaim ExxonMobil PNG Limited, i bin autim tok amamas long ol meri long pinisim gut trening kos bilong ol, na strongim ol tu long yusim ol nupela save ol i kisim long Indonesia long lainim na helpim ol



Sampela long ol meri i bin wokim 5-pela wik trening long Indonesia long welkam konprens long Mosbi wantaim wanpela bikman bilong ExxonMobil. Foto: ExxonMobil Midia

komyuniti bilong ol long PNG.

“Sapot mipela i givim i no lon g helpim wanpela meri, tasol long ol oge-naisesen we ol meri ya i wok long ol,” Mista Worrall i bin tok.

“I gutpela long lukim ExxonMobil em i inves long dispela program we mipela i kisim sans long go lainim na kisim trening we bai helpim mipela

gut,” Elizabeth Omeri, wanpela long ol 9-pela meri i bin tok.

“Dispela Global Women in Management trening long Indonesia i opim ai bilong mi, na helpim mi long tingim gen na strongim mi long samtign we mi laik mekim insait long komyuniti bilong mi,” Miriam Gai i tok.

Nupela Presiden bilong Advancing PNG: Women

Leadership Network, Mary Micheal, i bin tok welkam long 9-pela meri ya na i luksave long sapot bilong ExxonMobil, we i skruim i go yet.

Em i bin tok sapot we ExxonMobil i givim insait long las 10-pela yia i soim komitmen bilong em long ol meri long PNG.

Stat yet long yia 2006, samtign olsem 53 meri PNG i benefit long ol tren-

ing kos bilong GWIM ol i bin holim na ol ol meri PNG i bin stap long en long Indonesia, Washington D.C. na long namba wan taim long PNG in 2014.

This year attendees will bring the total to 62.

Trening long Indonesia i kisim mak i go long 62 meri i benefit aninit long ExxonMobil trening program.

Ol Nawaeb fam famili kisim trening



Ol fama long Nawaeb i bin stsap long famili bisnis faming trening kos. Foto: Australia Hai Komisn Midia

OL fama long Nawaeb, Morobe Provins, il bildim sastenebol famili bisnis wantaim helpim bilong trening program em gavman bilong Australia i sapotim wantaim fanding mani.

Dispela trening i strongim ol meri long wok bilong mekim disisen.

Dispela famili bisnis trening i strongim ol famili yunit long wok olsem tim na tu, wok bung wantaim ol arapela famili long inapim ol bisnis gol bilong ol.

Trening ya i lukluk long rot we famili

inkam o mani famili i mekim i ken gro taim ol haus lain i serim ol wok, na larim ol meri i wok long ol samtign we ol i ken kisim mani long en.

Teti (30) fama i bin sindaun long kos we kombain PNG na Australia tim i bin kamapim.

Australian Centre for International Agricultural Research (ACIAR) i bin fanding na em i bin ranim ol kos long kopi, kakao na rais faming, kamapim polti na inlen pis faming.

12-pela komyuniti

eduketa i bin sindaun tu long dispela trening kos na ol bai givim na serim ol samtign ol i lainim wantaim ol arapela faming famili.

Kos i givim tu ol edvais long lidasip, besik buk kiping, taim menesmen na strongim ol lain i bin stap long kos long luksave long wok we ol meri i save mekim long haus antap long wok bilong ol olsem ol fama.

Rasi fama, Wama Dama, libin tok em bai kamapim gut rot we famili bilong em i wokim gaden long en.

Raun lukim ol meri na pikinini



Bungim Gavana Juffa

Amamas long kisim piksa wantaim Gavana bilong Oro, Gary Juffa em tupela brata susa, Jemima na Caleb. Tupela brata na susa i bin bungim bikman ya long wanpela fanresing brekfis long Gateway Hotel long Mosbi long las wik Sarere.

Gerehu haus sik no gat inap wokman na wokmeri

Ennio Kuble i raitim

GEREHU Haus sik long Notwes ilektoret bilong Pot Mosbi, nau i stat long rausim ol sik pipel bihain long 4 klok apinun bikos ol i no gat inap wokman na wokmeri long wok nait.

Haus sik i bin putim aut wanpela notis ausait long dua bilong haus sik olsem, bihain long 4 klok apinun, olgeta autpesen bilong ol bikpela man na meri na ol liklik pikinini tu bai pas bikos ol i no gat inap wokman na wokmeri.

Ol wan, wan wokman na wokmeri tasol i stap em bai ol i lukluk tasol long ol imejensi keis tasol long nait, olgeta narapela bai i mas wet inap long narapela de, maski sik malaria o wanem kain sik, kam bek tumora.

I gat ol sekyuriti bilong haus sik i stap long salim ol siklain i go bek long nait na tokim ol long go long ol praivet haus sik long kisim helpim.

Narapela hevi em dispela haus sik i save kisim moa sikman na



Ol sikman na sikmeri wantaim ol sik pikinini i wet long lukim nes o helt woka long Gerehu Haus sik.

Ol poto: Enio Kuble

meri winim mak bilong em yet long wan, wan de. Dispela i save givim bikpela hevi long ol liklik lain nes na dokta long haus sik husat i save wok long de taim.

Ol sik pipel i save kam long tripela ilektoret bilong Pot Mosbi na long Kairiku-Hiri distrik long

Sentral provins. Wanpela senia helt wokmeri i tok, bikos i no gat wokman long nait, ol i bin pasim ol autpesen sevis long nait.

Sista Romana Kwaisombi, Eking Kodineta bilong nesing sevis, i tok dispela disisen bilong haus sik menesmen i bin kamap yet long

Mas 3, 2016 na em bai stap olsem inap sampela senis i kamap.

Hevi bilong Gerehu Haus sik i soim wanem kain hevi we i stap long helt dipatmen we ol dokta na nes i sot tru long kantri long wok insait long ol pablik helt fasiliti olsem.

Polis bilong Helt Dipatmen long stretim dispela hevi bai kisim longpela taim tasol ol gat wanpela plen bilong kisim gen ol nes husat i ritaia pinis na tu long kisim ol nes long ovasis.

Sista Kwaisombi i tok, planti sikman na sikmeri i kamap long Gerehu haus sik stat long Disemba, 2015 yet na em i putim bikpela hevi long haus sik na ol nes



na dokta i no inap long lukim gut olgeta wan, wan sikman.

Em i tok haus sik i save kisim namel long 150-300 siklain long wan, wan de tasol long Desemba namba i go tut aim moa.

“Nau mipela i save lukim moa long 600 sikman na meri na pikinini long wan, wan de. Em i winim skel bilong mipela olsem haus sik,” Sista Kuaisombi i tok.

Em i tok OPD klinik i kamapim hevi long ol siklain long wari tumas na ol papamama bilong ol pikinini na ol bebi husat i wari long ol pikinini bilong ol bai kisim bikpela sik moa.

“Mi wanpela nes i gat trening olsem na mi save olsem dispela em i no wei bilong wok, long salim ol sikman na sikmeri na ol sik pikinini i go bek taim ol i kamap pinis long haus sik.

Em i no stretpela pasin long ai bilong God long mipela bai tokim ol long wet inap tumora. Em i no kain nesing mi save long en, tasol bai mi mekim wanem?” Sista Kwaisombi i tok.

PIH wokim fri medikal kem long Hula ples

PASIFIK Intanesenel Haus sik (PIH) long Pot Mosbi bai selebretim namba wan yia bilong ol i kisim bikpela haus sik antap long 3-Mail Maunten long Pot Mosbi, long de 29 Me, 2016.

Long mekim dispela de i kisim bikpela luksave, PIH i statim sampela komyuniti wok bilong givim fri helt sekap long ol ples i stap klostu na ausait long Pot Mosbi. Namba wan bilong dispela em i kamap long Hula Klinik long ples Hula insait long Rigo Distrik, Sentral Provins, long Sarere 14 Me, 2016.

PIH i laik mekim dispela fri helt sekap long ol pipel we sampela taim i save no gat wei o mani long go long haus sik long kisim sekap long sait bilong helt. Dispela kain wok bai go yet long narapela tripela moa wiken inap long 29 Me we aniveseri selebresen bai kamap.

Dispela em i stat bilong wanpela

bikpela moa pablik autris we PIH i wok long plenim yet long kamap long bihain.

Olsem na long Sarere, 14 Me, ol tim bilong PIH i kirap lusim Pot Mosbi i go long naispela ples Hula stat long 6 klok moning taim. Dokta Koli em i bin go pas long dispela tim bilong ol dokta na na nes husat i bin go long ples Hula.

Stat long 11 klok long moning inap 4 klok apinun, ol dokta wantaim ol nes na sapot wokman na wokmeri i taitim bun na i no malaolo long lukim ol pipel long Hula bikpels. Dokta Koli em i bin go pas long tim wantaim ol nes, na ol sapot wokman na meri. Ol i no les long lukim olgeta sikman na meri na pikinini we i bin kamap long dispela fri helt sekap de. Bungim olgeta namba bilong ol lain i kamap em i olsem 60 long rejista long konsaltesen tasol taim ol helt tim i pinis, ol i lukim pinis 80 man, meri



Ol siklain i rejista pinis na wet long lukim dokta.

na pikinini.

PIH em i wanpela bikpela praivet haus sik tru long Pot Mosbi we i gat 14 speselis dokta na ol marasin na ikwipmen insait long wanpela haus sik tasol, we inap long lukim na tritim ol sikman na sikmeri wan-

taim wanem kain sik o hevi long bodi ol i gat. Ol ikwipmen bilong ole em i wankain olsem long ol ovasis haus sik na ol i wok long yusim long kamapim gutpela helt standard long kantri. .

Bikpela toktok bilong PIH

eniveseri de em long ‘gutpela wok long kadiak ke’ o win long lukau-tim ol sik bilong lewa, we em i wanpela bilong ol bikpela samting PIH i bin wokim long las 12-pela mun i go pinis.

PIH selebretim De bilong Nes wantaim stail

INTANESANEL De bilong ol Nes i save kamap long olgeta hap long wol long de 12 Me, 2016.

Long dispela yia bikpela toktok bilong dispela de em, “Ol Nes: Strong bilong kamapim Senis |Kamapim gut Helt Sistem long Sanap Strong”. Ol nes bilong Pasifik Intanesenel Haus sik i bin gat gutpela taim bilong amamas long Sarere 14

Me, taim ol i bin pasim de long ol yet i selebretim de bilong ol.

I bin gat taim bilong putim ol posta resis long bikpela toktok bilong nes dei we ol nes i bin wok long toktok long en long sampela de nau.

Olgeta lain long Autpesen dipatmen klinik i bin stap long soim o lwei bi-long wok stat wantaim

prea, nesenel entem, tok-tok bilong nupela Dairekta bilong Nesing, Jayasree Sudheer Chandrakumar na olgeta tim memba i stap long soim ol naispela posta bilong ol we ol yet i bin wokim.

PIH boi ben tu i bin putim sampela namba long mekim olgeta lain i amamas na paitim han na singaut. Ol wina bilong posta

resis i bin kisim sampela gutpela kes mani stret. Dokta Paul Alexander na meri bilong em, Dokta Jyotnsa Alexander i bin stap long was selebretim dispela de wantaim ol nes na ol narapela woklain.

Olgeta nes i bin kisim wanpela presen long Dairekta bilong Nesing, CFO, Gurinder na Dokta Paul.



Namba wan wina bilong Posta Resis, Nes Gino wantaim tim bilong em Dokta Paul Alexander wantaim MC Rhenjie Torres.



Yut, Meri na Famili

Pastor
Barbara Lunge

Spirit bilong man i kisim birua

PLANTI pipel i save kisim birua long spirit bilong ol long taim ol i stap long bel bilong mama i kam inap taim ol i bon na kamap bikipela.

Spirit em i kam long God long taim em i kamapim wangepela man o meri.

Buk song sapta 139:13-15 "Yu bin wokim olgeta hap bilong bodi bilong mi. Yu wokim mi olgeta insait long bel bilong mama. Mi pret long yu, olsem na mi save litimapim nem bilong yu. Olgeta samting yu wokim i narakain na i namba wan tru. Mi save gut long dispela samting na mi pilim tru. Taim mi kamap isi isi long ples hait insait long bel bilong mama, yu bin lukim olgeta bun bilong mi i kamap na i pas wantaim."

Plantu pipel long graun tude i no save long wanem as tru na wan wan man, meri na pikinini i kamap long dispela graun. Yumi save ting olsem em i liklik samting tasol long kamap na stap long dispela graun.

Yumi ol mama na papa bilong ol pikinini na tu ol narapela bikipela man na meri i mas kisim wok bilong lukautim laip bilong wangepela pikinini o yangpela man o meri. Yumi ol mama o sios i mas lukautim na givim susu o kaikai long bebi we i kam long God olsem wangepela presen we em i kamapim long piksa bilong em yet.

Yumi gat wok long lukautim dispela laip stat long bel i go inap long matmat. Mi laik bringim salens long ol meri husat i belhat na tok kros olsem bilong wanem na ol i kisim bel, tasol ansa em ol yet i save pinis.

Ol dispela meri i mas tok sori na tanim bel bikos ol i wok long givim belhevi long spirit bilong ol na em i wok long karim bikipela hevi na nau ol i kamap long mak bilong bagarap stret.

Man em i Spirit na em i stap long bodi na i gat sol bilong skelim tingting. Tok bilong God em i tru na man i mas ritim na bihainim Tok bilong God na bilip long en, bai em i kisim gutpela laip long nau na long bihain taim tu.

Taim man i sik long wangepela hap bilong bodi em i mas go long haus sik na kisim marasin long oraitim bodi, na taim man i gat hevi na wari long tingting na spirit i pilim bagarap, Tok bilong God tasol bai oraitim em.

God i mekim rot bilong yumi manmeri bilong graun long kisim helpim, olsem na no ken wari na tromoi laip nating i go, tanim na pre long God na ritim Tok bilong God long kamap orait gen.

Wokabaut bilong salis long Pot Mosbi Asdaiosis ...Kamap long Morata peris

BILONG redi long spirituel sait long Golden Jubili o 50 krismas bilong kirapim Asdaiosis bilong Pot Mosbi long dispela yia, olgeta peris insait long Asdaiosis i kisim sans long kisim Salis o kap bilong putim Komyunio we Pop Santu John Paul 2 i bin givim long Asdaiosis long 1994 na selebret wantaim long en.

Dispela em taim Pop John Paul 2 i bin kam long Mosbi na PNG na long Misa lotu selebren bilong santuim Blesed Peter To Rot.

Long las wik Sande, Sen Martin De Porres Peris Morata long NCD i bin kisim Salis kap long peris bilong ol taim ol i wokim selebren las wik bilong 300 krismas bilong petron o was santu bilong peris, Louis Marie De Montfort.

Long skul tok bilong em, Peris pris bilong Morata, Pater Rozario Menezes s.m.s.m i bin mekim klia olsem wokabaut bilong salis em i bikipela samting, nae m i bin gutpela moa long

kamap long peris bilong ol taim na selebretim santu Komyunio wantaim dispela salis long pestode bilong Santu Montfort.

Em i tok Pop John Paul 2 i bin gat bikipela luksave na i save pre strong long Mama Maria na tu, em (Pop Santu John Paul 2) i kisim ol gutpela tingting long ol raiting bilong Santu Montfort. Moa yet, long hap long Divosen bilong Maria we em i bin kisim moto o stia long laip bilong em we em i bin kolim long "Tutus Tous" o (I am all yours).

Pater Rozario i bin tok dispela Salis em i Santu kap bikos man husat i givim em i wangepela Santu nau na Pop Santu John Paul 2 i stap wantaim yumi.

Taim em i lusim Salis kap long PNG, em i bin salensim ol pipel bilong dispela kap long bihainimeksampel bilong Santu Peter To Rot husat i no bin pret long dai long bilip bilong en, moa yet, holim pasim yunitii na marit olsem wangepela santu

samting God i pasim long en.

Pater Rozario i tok wokabaut bilong Salis i gat spesel mining long Katolik Sios long PNG, bikos taim sios i kam pastaim insait long dispela kantri, em i bin kisim Baibel na Salis i kam long mekim ol misineri wok bilong em.

Em i tok ol i mekim wok Ivan-jelaisesen wantaim Baibel na Yukaris na Salia ya i makim Jisas i stap wantaim yumi na tu, mak bilong marimari bilong God," Pater Rozario i tok.

"Taim yumi selebretim Santu Yukaris, yumi selebretim Divain Mesi o marimari bilong God we sios i makim dispela yia olsem "Yia bilong Mesi". Olgeta taim yumi selebretim YUksaris, yumi selebretim ridemsen o sevim yumi, na dispela Salis i kamap olsem mak long Jisas na pasin marimari i stap wantaim yumi

LIKlik histori bilong Katolik Sios long Pot Mosbi Asdaiosis em asples we Katolik Sios i bin kamap pastaim long Pot Mosbi

Asdaiosis em long Yule Ailan long Bereina we ol namba wan misineri i bin kamap. Taim ol i selebretim namba wan misa lotu, wangepela welpik i bin ran i go insait long ples we Misa i kamap long en na kapsaitim kap i gat blut bilong Jisas ol i blesim long en.

Ol misineri i lukim dispoela olsem mak i kam long Bikipela long kirapim Katolik Sios long Yule Ailan.

"Dispela salis i mekim yumi i tingim Santu Yukaris Jisas i givim long yumi olsem presen.

"Olsem ol Katolik, i moabeta yumi larim ol toktom bilong Santu Paul i pondaun long yau bilong yumi," Olsem ol Kristen, yumi mas luksave long velyu bilong Yukaris olsem bikipela samting tru insait long laip bilong yumi."

Pater Rozario i tok yumi mas bilip long tok bilong Jisas we em i bin tok, "Husat man i kaikaim bodi bilong mi, na dringim blut i stap wantaim mi na mi stap wantaim em." (John 6:56).

Morata Katolik Peris i selebretim 300 yia bilong was santu

SEN Martin de Porres Peris long Morata insait long Nesenel Kapitell Distrik long las wik i bin gat bikipela lotu selebren long pasim ol wok na program ol i wok long holim long makim 300 krismas bihain long dai long petron o was santu bilong ol, Santu Louise Santu Martin De Porres.

Tripela rilijes kongrikesen we Santu Martin de Pores i bin kirapim i bin stap insait loing dispela selebren. Em long ol Montfort Misineri, (Montfort Fadas), Daughters ov Wisdom (Montfort Sisters) na Bratas ov St Gabriel (Montfort Bratas).

Ol memba bilong peris kaunsel, ol Besik Kristen komyuniti lida, wantaim ol m,emba bilong ol wan wan spirituel grup na ol perisina i bin go pas long ol program bilong dispela de.

Dispela em long givim luksave na tok tenkyu i go long ol Montfort Misineri long lidasip, gutpela stia, na fomesen long bilip we ol i givim stat yet long taim peris i bin go aninit long ol long yia 2011.

"Olsem hap bilong bihainim spirituel laip



Peris pris bilong Morata, Pater Rozario, namba wan long baksait (hansut) wantaim Jenerel Seketeri bilong Konpres bilong ol Katolik Bisop bilong ZPNG na Solomon Ailan, Pater Victor Roche SVD, wantaim ol arapela rilijes Sister na Bruder long taim bilong selebren las wik. Foto: Nicky Bernard

bilong Montfort, ol perisina bilong Morata i joinim ol Montfort Asosiet (asosiesen bilong ol lei pipel i go long Montfort Misineri) na ol i wok long kisim fomesen long mekim promis i go long Jisas aninit long Mama Maria," Pater Rozario i tok.

Em i tok long taim bilong selebren, ol memba bilong Montfort Asosiet i bin ofaim ol Baibel, Krusifiks, Rosario na ol raiting bilong Santu Montfort, askim Santu Montfort long kisim ol prea long karim ol kruse insait long laip bilong yumi olsem Jisas

i bin mekim, , i go long Papa God, na long wankain taim tu, preim Rosario wantaim Mama Maria na bihainim ol skul bilong Santu Montfort.

Long taim em i givim ol skul toktok, Pater Rozario s.m.m i bin mekim klia i go long kongrikesen as bilong selebren na tu, ol tok skul bilong Santu Montfort na moa yet, tupela bikipela samting insait long ol.

Em long "mining bilong Kruse" na long ol "stap long bilip strong olsem God yet bai givim helpim" o "God's provi-

dence" long ol kain nit o samting yu laikim na askim God long en.

Pater Rozario i bin serim ol ekspirians bihainim ol skul bilong long em taim em i wokim pastorel wok long Nomad, Westen provins we ol pipel long ol ples longwe long taun i stap amamas na ol i no gridi wantaim tasol netsa na ol samting God i mekim.

"God i givim yumi olgeta samting long lukautim yumi tasol long sampela taim, yumi save gridi, gat planti samting na i no tingim ol arapela i stap klostu long yumi na long

dispela rot, yumi kamapim pasin turangu klostu long yumi.

"Lukluk long God i givim yumi ol samting yumi askim long en i min olsem yumi putim olgeta bilip bilong yumi i go long God, bilip olsem God i papa bilong yumi na yumi ol brata susa na God bai lukautim yumi," Pater Rozario i tok.

Long pinisim ol skul toktok bilong em, Pater Rozario i bin tok ol skul bilong Santu Montfort i no hatpela long kisim na bihainim na ol i gutpela long kain stsap long tude.

Em (Santu Montfort) i askim yumi wan wan long bihainim Jisas na long mekim mdispela, wokabaut wantaim Mama Maria i kisim yumi i go long pikinini bilong erm Jisas.

Long pinis bilong lotu, i bin gat bung kaikai we ol perisina bilong Martin de Porres i bin redim long olgeta ges i bin stap long selebren.

Long dispela taim tu, ol perisina i bin givim presen i go long ol misineri long soim tok tenkyu bilong ol i go long ol long gutpela wok ol i mekim long sios insait long dispela kantri.

Wanem narapela rot ol sumatin i laikim?

TRIPLEA wik nau ol sumatin bi-long yunivesiti i no go long skul na tu ol i pasim rot bilong ol narapela husat i laik long go long skul.

Ol sumatin bilong Yunivesiti bi-long Papua Niugini long Pot Mosbi i kirapim pasin bilong stop long go long skul na ol narapela gavman yunivesiti long narapela hap bilong kantri tu i bihainim ol na ol tu i stop long go long skul.

Ol sumatin i givim astingting bi-long dispela straik o stop long skul olsem ol i no laikim ol pasin we Praitim Minista Peter O'Neill em mekim olsem; rausim Operesen Swip tim aninit long Sam Koim, na tu ol i singaut long Polis Komisina i mas bringim bek bos bilong Frod Skwat we Komisina i rausim bikos em i salim ol polisman long ares-tim Praitim Minista.

Ol i komplem tu long olgeta dinau mani we gavman i wok long kisim long ovasis long fandim ol projek long kantri, tasol kaikai bi-long dispela i no soim.

Insait long ol sosel midia o nius long intanet, i gat ol man na meri i wok long rait na toktok salens long ol sumatin long ol i no ken stop long mekim dispela kain pasin bilong protes na ol i givim kain kain as tingting. Tasol wanem kain rot bai ol sumatin inap long bihainim na bai kamapim gutpela sindaun em ol i no givim dispela tingting.


Sapos Praitim Minista Peter O'Neill i lusim sia bilong em na ol i ting husat bai kisim ples bilong em? O sapos ol i ting Praitim Min-

ista O'Neill i no rait man orait husat em i rait man? Ating sapos ol sumatin na ol lain i stap baksait long dispela inap long tok ples klia

long dispela, bai ol pipel i ken luk-save.

Na tu Praitim Minista i tok, ol pipel i votim em na em i stap long

dispela sia na sapos ol pipel i tok no gat long em orait em bai no inap long kisim sia gen long narapela taim gavman bihain.



Sapos ol sumatin i gat trupela li-dasip pasin insait long ol we i kam long pasin bilong Krai, bai ol inap long winim pait we ol i makim olgeta pipel.

Pawa bilong God em i winim olgeta kain pawa na save bilong graun. insait long bel kirap bilong mekim gutpela pasin, ol Kristen pikinini bilong Papua Niugini i mas save long we bilong stap aninit long lo bilong ol gavman o ol lain i stap antap long ol.

Buk Rom sapta 13, lain 1 i go long 7 i tok olsem; "Olgeta man i mas i stap aninit long ol gavman. Yumi save, i no gat wanpela gavman i kamap nating. Nogat. Olgeta wok bilong gavman i kamap long han bilong God tasol.

Na olgeta gavman i stap, God yet i putim ol na ol i stap. Olsem na ol man i sakim tok bilong gavman, ol i sakim tok bilong ol man God yet i bin putim long wok bilong ol. Na ol man i mekim olsem, ol bai i kisim pe nogut long pasin ol i mekim..."

Ating em i taim nau bilong Sios na Bodi bilong Krai i kam insait na bringim tingting bilong ol sumatin na ol pipel i kam bek long stretpela rot.

God i putim man em i gat taim long rausim, na wanem samting yumi mekim em i no inap senisim taim God i makim, tasol sapos yumi brukim skru na pre olsem tok i stap long 2 Stori 7:14 long Olpela Testamen, em bai yumi inap senisim sindaun bilong ol pipel long kantri.

Gutpela long tok tru, i mekim wanpela i fri man

ATING planti bilong yumi i save wanem samting em i tok tru o long tok Inglis ol i tok "true/truth."

I gat planti mining long dispela tok. Long Oxford Edvens Inglis Diksinari em i min samting we wanpela i ken lukim, pilim na i gat save long em (ekspiriens).

Long Baibel i gat planti tok long dispela tok.

Sapos yumi givim mining bilong tok tru arere long mining Baibel o kisim mining long Baibel, ol mining klostu i wankain.

Yumi ken tok mining bi-long tok tru o tok tru i olsem samting wanpela i lukim, i harim, i pilim na i save long em.

Long tude planti hevi i pas bikos long as bilong tok tru.

Papamama i kros long



pikinini i mas tok tru, famili i bruk bikos papa o mama i no tok tru, komyuniti i gat hevi bikos wanpela klen o traib i no tok tru na dispela i wankain long nesenel level.

Nau yet yumi harim ol pablik, sampela hap bilong polis na ol sumatin bilong yunivesiti i pait long Gavman i mas tok tru.

Taim mipela i lukim olsem mipela i ken askim ating tru o tok tru i bikipela

samting.

Mi ken tingim taim mi liklik mangi yet olsem foapela o faivpela krismas, mi bin kisim kon long gaden bilong wanpela meri na dispela meri i kros.

Em i no save husat i bin kisim tasol bikos famili bi-long mi i stap klostu long em, em i wok long sutim tok long mipela inap long mi tokim mama bilong mi olsem mi no save na go kisim kon bilong em.

Taim mi tok olsem na mama bilong mi krosim mi na bihain tokim dispela meri na meri i pinis long kros moa.

Tok tru o stap tru o trupela samting i bikipela samting long laip.

Long nu testamen Jon 18:38 Ponsius Pailot i no tingting planti taim em i

askim stret Jisas, Jon 18:32 "Tru i wanem samting."

Bipo long dispela long Jon 8:32 Jisas i tok "Tok tru bai mekim yu fri."

Stat bilong Gospel bilong Jon long Jon 1:1 i tok long stat bilong ol samting Tok (Word) i stap, Tok i stap wantaim God na Tok yet I God na long Tok ol samting i kamap.

Jisas i tok "tok tru bai mekim yu fri" Jon 8:32.

Tru tumas taim mi tok tru dispela meri mi bin kisim kon long gaden I no moa kros na dispela i mekim famili na mi i fri.

Ating planti hevi bilong sosaiti nau i no inap long kamap sapos mipela olgeta I tok tru o save long wanem samting tru na i no ken mekim asua.

Madang makim intanesenel De bilong Nes



Ol nes i mas namel long Madang taun las wik Fonde

James G. Kila i raitim

LONG Fonde Me 12, ol nes long Madang i pasim wok na ol i bung long amamas na tingim intanesenel De bilong ol Nes.

Dispela de, Me 12 em wanpela spesel de insait long wan, wan yia we ol dispela lain bilong mekim hatwok long medikol sait i save kisim luksave long helpim planti tausen pipel long bringim gutpela helt na lukautim gut laip.

Long Madang, ol nes long Modilon Jeneral Haus Sik i kamap wantaim naispela program wantaim mas, flot, kwaia singsing na ol naispela displei we i bin kamap long Beits Oval long Madang taun.

Trefik long bikpela Modilon rot long taun i bin stop long larim ol nes i mas, stat long Modilon Haus Sik i go olgeta long taun long Beits oval, we ol arapela program i bin kamap. Ol sumatin bilong PNG Maritaim Koles i bin go pas long mas wantaim ol nes long waitpela yunifom we i mekim kala bilong moning taim i luk sain tru.

Flot bilong ol nes i luk stail tru wantaim wanpela mama nes i givim naispela toktok long wok bilong ol nes na i givim toksave long ol manmeri long Madang long dispela bikpela intanesenel De bilong ol Nes.

“Yes ya...yupela ol nes, yupela pawaful, God i givim wok long yupela long sevim laip na strongim helt, olsem na yupela pawaful,” Nes Hilda Shong i toktok, long laut-spika na ran fran long flot.

Het toktok bilong intanesenel De bilong ol Nes long dispela yia em: Nes: Em i wanpela strong bilong mekim senis. “Kamapim gut Helt Sistem long Sanap Strong”.

Dispela hettok i min olsem, wok bilong ol nes i ken kamapim planti senis long laip bilong ol pipel.



Nes Hilda Shong i givim toktok olsem ol nes em ol pawaful lain.

Ol nes i amamas long singim song ‘Carry Your candle’ long tingim nes Florence Nightingale.

Ol Poto: James G. Kila



Insait long ol narapela program long Beits Oval, ol nes bilong wan wan seksen i putim ol piksa samting long wanem kain wok ol i save mekim. Long dispela de tu ol nes i bin wokim sampela medikol sekap long ol pablik long sekim mak bilong suga long bodi, na ol arapela hevi long bodi.

Dairekta bilong Nosing Sevis long Modilon Haus Sik, Sista Galug Sual i givim toktok long histori bilong Intanesenel De bilong ol Nes.

Sista Galug i tokaut long kibung long Beits oval olsem long Januari 1974 ol i bin makim Me 12 long luksave long mama de bilong Florence Nightingale, husat planti long wol i luksave olsem em i wanpela meri husat i bin statim nupela

kain stail bilong wok nes. Dispela meri em pikinini bilong ol lain i gat planti samting, tasol em i save daunim em yet na save wok long helpim ol ami long bikpela pait long Yurop long dispela taim ol i kolim Crimea Woa.

Olsem na long wan wan yia ICN (Intanesenel Konferens ov Nes) i save givimaut ol Nes Kit we i gat ol samting olsem edukesenol na pablik infomesin buk wantaim tok skul bilong wok nes.

Dispela ol infomesin em ol nes long olgeta hap long wol i ken ritim na luksave gut long wok ol i ken mekim.

Pater Peter Hunter bilong Holli Trinita Angliken Sios long Madang taun, husat i bin mekim prea i

tokim ol manmeri olsem ol i mas givim luksave long ol nes na ol wokman bilong haus sik, bikos ol i gat spesel wok long sevim laip na tu, helpim ol pipel long taim bilong medikol nid.

Madang Provinsal Helt Dairekta, Marcus Kachau i givim bikpela tok tenkyu i go long ol nes long planti gutpela wok ol i save mekim long sevim ol pipel.

Em i tok ol nes em namba wan lain ol manmeri na pikinini i save lukim ol pastaim long dokta. Ol nes i save givim marasin na tu glasim sik long ol manmeri pastaim long ol i go long dokta.

Intanesenel De bilong ol Nes em spesel taim tu long ol arapela hap long wol tude. Long kantri Inglen,

olgeta yia long de bilong ol nes, wanpela bikpela lotu i save kamap long Westminster Abbey long London. Long taim bilong lotu, ol i save laitim wanpela lam insait long Sapel bilong ol Nes na ol i save karim i go aut na givim long wanpela nes i go long arapela na bihain ol i save givim i go long Het Nes na em i save putim antap long alta. Dispela pasin bilong soim olsem ol nes i skruim save bilong ol long wanpela i go long arapela.

Long Santu Margaret Sios long East Wellow long Hampshire, we ol i planim Florence Nightingale, wanpela bikpela lotu i save kamap long namba wan Sande bihain long de bilong mama i karim Florence Nightingale.

Bikpela ren kam taim bodi bilong Agiru kamap long Hela

LAS wik Fonde long 3 klok apinun, bikpela ren i bin pundaun long Tari ples balus taim ol ami i kisim bodi bilong Hela Gavana Anderson Agiru i kam ausait long balus, na kisim i go long Andaija Oval.

Ples i bin san na weda i bin gutpela tru tasol taim bodi bilong Gavana Agiru i lusim balus na i laik go ausait, bikpela ren i karamapim ples.

Memba bilong Tari-Pori, James Marape, Memba bilong Koroba-Kopiago, Philip Undialu, Memba bilong Komo-Margarima, Francis Potape, Hela Provinsal Administreta William Bando, na arapela ol bikman bilong Hela i bin wokabaut long ren wantaim kofin bokis bilong Agiru.

Arapela ples arere long Tari taun olsem Halongali, Pii-Nagia, Walumali, Tipinipu, Warolo na Paipali i no bin ren tasol insait

long Tari taun ples i bin ren narapela kain tru.

Long Ambua, Wapia, Tigipi, Dauli na Hulial LG, ples i kamap tudak long 3-klok apinun yet na ol manmeri i luksave olsem God bilong Hela, Datagaliwabe, i soim bel sori bilong em long lida bilong Hela i dai.

Ol manmeri i no wari long ren. Wankain olsem Gavana Agiru i laik toktok taim ol i save sindaun o sanap long ren, las wik Fonde ol mama i krai na sanap wantaim ai wara long lukim kofin bokis bilong Agiru.

Ol manmeri i no wari long ren, ol i sanap yet. Skul, haus sik, stua na maket i bin pas long olgeta hap long Tari taun.

Pasin bilong ol manmeri bin senis tru. Ol manmeri Hela i save pait na mekim kain kain pasin tasol long dispela de, ol i stap isi tru na harim toktok bilong ol lida man.



Ol ami i karim kofin bokis bilong Gavana Agiru i go ausait long balus. I no long taim bikpela ren i bin kapsait long Tari taun.



Pikinini meri bilong Gavana Agiru, Bowie Agiru na brata Vincent Agiru, i sekan long ol lida bilong Hela.



Ol manmeri i sanap long sait bilong ples balus na Tari haus sik.



Manmeri sanap long ren long kisim bodi bilong Gavana Agiru long Andaija Oval.



Ol manmeri i sanap long sait bilong Tari polis stesen na Jalupa.

Gunai Mirros bai go long Tonga

GUNAI Mirrors, wanpela olpela laip ben bilong Pot Mosbi, i kisim wanpela singaut long go pilai long Tonga Nesenel Heilala Pestival selebresen long tingim Bon de bilong King George Tupou VI long Nukualofa, Kongdom bilong Tonga long Julai 2016.

Dispela laip ben bilong Poreporena, Hanuabada i bin pilai long soim stail bilong ol long Sarere 14 Me, 2016 long Pot Mosbi long wokim fanresing bilong dispela wokabut.

Long 1800 yia, ol misineri bilong Saut Si Ailan i bin kamap long nambis bilong Papua Niugini wantaim Gut-nius bilong God. Ol i bringim tu wantiam ol, ol kalsa bilong ol long we bilong Propet singsing o peroveta stail bilong singsing na danis.

Dispela kain laip kalsa i go insait long laip stail bilong ol asples Motu pipel long Poreporena Hanuabada viles.

Ol dispela yanpela man bilong Gunina Klen i bin

kamap insait long Sande Skul. Propet Song na Ailan Musik i kamap nau olsem hap laipstail bilong ol. Ol yangpela man bilong Gunina Klen i tingting long holim ukulele na Akustik Gita long traim bungim wantaim ol bit bilong Saut Si.

Polinesien Tonga stail musik na vois harmoni i pulim ai bilong planti lain.

Gutpela praktis, taim na strong i mekim grup i kamap wanpela nem insait long wan wan haus na lukim ol i kisim singaut long pilai long planti bikpela bung insait long ples na ol narapela ples klostu long nambis bilong Pot Mosbi na tu long ol praivet bung bilong ol Gavman Dipatmen klostu tasol.

Gunai Mirros Ben i bin kamap long Februeri 1970. Ol i bin kamapim tupela rekot album, Getesemane na Poreporena Taumui.

Long 1975 ol i bin pilai long namba wan taim ol i bin opim NBC Redio long Pot Mosbi, ol i rekodim na singim son Yuniti bilong



Nupela Jeneresen Gunai Mirros wantaim tripela bilong ol namba wan ben memba husat i sindaun.

PNGNesnel De, ol i rekodim na singim song Septemba 16 na Indipendens bilong PNG Indipendens Selebresen long 1974, Ben Memba Dago Morea i harim wanpela singaut i kam long God long go long Rarongo Tiolojikal koles, Rabaul, Is Nu Briten Provins, na long 1975 em kamapim na singim song Welkam long yu Mejesti. Em dispela Ben tasol we ol i bin kisim long pilai long taim

Kwin Elizabeth II i bin kamap long Sir Hubert Murray Stadium long Pot Mosbi.

Dispela grup i save kism planti singaut long pilai long ol praivet bung bilong ol

marit, bonde selebresen, taim bilong dai na ol narapela ol bikpela taim na eniveseri. Long 1991 ol i bin pilai long Gems Viles, long 9 Saut Pasifik Gems. Long 1992 ol i bin pilai stap olsem Residen Ben long Ela Beach Hotel bihainim singaut bilong Sir Dadi Toka.

I bin gat sampela yia long namel taim we ben i no bin

kamap long pablik bikos long wanpela Kristen Rivaivel long Poreporena Haunabada Viles we ol i bin statim Good Nius Ministri.

Long yia 2008 ol i bi go pilai long Tanks Arts Senta long Cairns, Australia. Wantaim nupela ol instramen bilong pilai nau, nupela pikinini na tumbuna lain bilong dispela ben nau i save pilai yet long mekim ol man i amamas tasol wantaim dispela stail kwaia nek bilong ol yet.

Yia 2015 ol i bin pilai long wanpela jeneral gutbai kaikai bilong ol Pasifik Ailan spot mana na meri husat i bin kamap long ol Pasifik Gems, we Senia Stesmen na bisnis man Sir Dadi Tok i bin go pas long en long Pot Mosbi Yacht Klap.

Ol i wokim singsing na pilai long Pasifik Ailan Forum, long Airways Hotel long Julai 2015 na long Pasifik Ailan Takis Edministreta Asosiesen Pot Mosbi Yacht Klap long Septemba 2015.



Matt Gresham na Alyson Joyce singsing long PNG-Australia Wik

L-R Matt Gresham na Alyson Joyce i sindaun long Lamana Hotel long Pot Mosbi las wik Fraide pastaim long tupela i pilai na singsing long nait.

AUSTRALIA Hai Komisen i bin amamas long lukim wanpela yangpela singa bilong Australia, Matt Gresham na Papua Niugini Australia singa pawa haus Alyson Joyce, long go pas long 'PNG-Australia Bung Wantaim-Yumi Poroman Wik' konset long Fraide 13 Me.

Matt Gresham em i wanpela yangpela na nupela atis bilong Australia husat i gat wanpela kain stail bilong jas,


sol na blus musik. Em i bon long Westen Australia, na em i bin wanpela singa we i wokim i go long las fainel man long resis bilong Australia televisen talen program, X-factor long yia 2013 na i no longtaim i go pinis em i bin putim aut wanpela single album bilong em 'Small Voices' long Februeri dispela yia.

Long 2015, Matt i bin pilai long wanpela bikpela pestival bilong Yunaitet Stets, Saut bai Sautwes (SXSW) long olgeta atis i go insait wantaim ol intenesenel patna lng soim stail bilong musik bilong em namba wan taim long intenesenel pilai.

Alyson Joyce i stap olsem singa inap long 10-pela yia insait long indastri; em i bin singsing planti long Australia, London, New York, Miami, India, Germany, Hong Kong, Malaysia, Singapore na Thailand.

Nau em i 10-pela yia bilong, 'PNG-Australia Bung Wantaim-Yumi Poroman Wik', i wok long bungim Papua Niugini wantaim Australia wantaim musik, muvi piksa, spot na edukesen.

Em nau! Ol pikinini i ken painim rot i go long ples wantaim Wantok lain...



A J S S S I D P U C K Q S I Y A I B I K
E O T F E T T I X Y L G A K O A P E S I
H E U P V F O R D D L E A R L P D N
I B E N M K S F J O S O T M E Y I L Q M

PAINIM WOD PILAI

<i>Ol wod lista:</i>	DIREKTA	KANGAL	NUSAM
	DUIM	KOLIM	ORAITIM
AINIM	ENSINIA	LAINIM	PAPAMAMA
ATEBRIN	FIKUS	LONGLONG	RINSO
BEKIM	GADEN	MALENIM	SANGANA
BILIPIM	HAITIM	MASIN	TAMBUIM
BUMBUM	INAP	NEKTAI	WOKABAUT

N A A E M F N M V X I F P A W J C Z F F D L T E E
N S T N A E I S E U B O S F Y M S D R N O K I F J
R S V G R N T E L R S E F N R P A T R N P E L I I
K H E S E N L B M M E F R N E T N A G X B H A S N
F L M L N N S I A D F E H G E N K R R K N G Q D O
N B A O U P N L A V I P A A I F Z R X E H I C H L
R M I N S I A I M P K M I K T W M C E T G R U N L
K A N G A L N P F W U G T O R I P E N S P N X A Q
O S I L M I A I M B S F I L T T A N T X J R T C E
G I S O S N E M M D N Y M I E L P U R L L O G S A
J N B N A E G U R D I D A M S T A M B U I M X T G
R N E G E S B D I O M R W E O B M I I A B P V R D
I G N Q B K T I Y A O Z E Z A R A N N E F E M A I
N A R A H S T C N H R S H K A H M T U I S M D J W
S D R D N S V A I N P S O A T E A H D E M S T F D
O E U Y J X K I I M F W P S E A S D C I K L O A N
C N E I O F O T N E W A N I B D R O K T H C F N Q
D A Y X M T G Q H F N I N N R T A E E R S I H J E
A O L G E P J N L I K V T A I S B Y T S N M I I R
L U O L U G D U E T I R C S N L M D R S C G R D K

STORI BILONG TUMBUNA

Meri Muruk



Bipo tru ol Muruk i save waswas long raunwara. Na olgeta muruk i lusim sket bilong ol na ol i go daun long raunwara na wanpela man i hait i stap na i lukim ol i lusim olgeta sket bilong ol. Narapela muruk em i no laikim na bihain em i lukim wanpela muruk i gutpela moa long em. Nau em i kisim sket bilong em i go haitim. Taim olgeta muruk i pinis long waswas, ol i go kisim sket bilong ol. Taim ol muruk i putim sket bilong ol, meri ya em i no putim sket. Em i wok long lukluk na painim. Tasol em i no painim. Bihain man ya i kamap i kam long meri na em i kisim em i go long ples bilong em na em i maritim em.


Na meri muruk i karim tupela man na i olsem man tru. Taim tupela pikinini i hangre, tupela i tokim mama olsem. Taim yu kukim het bilong yam na mitupela i kaikai pinis bai mitupela i tokim we papa i haitim sket bilong yu. Taim pikinini i tok olsem, bel bilong mama i orait. Nau em i kukim het bilong yam na givim long tupela, na tupela i soim purpur bilong mama muruk bipo papa i haitim. Na mama muruk i putim na em i kamap olsem muruk na traim tupela pikinini. Bihain em i putim bek long sem ples. Na bihain papa i paitim em na mama muruk i belhat na putim sket bilong em na ranawe i go long bus na wel i stap long bus.

Narapela taim mama muruk i kam na kisim pikinini i go wantaim em. Nau tupela i go na i stap aninit long diwai na tupela i slip indai. Na mama muruk id anis na ol bilas i kamap na ol kain kaikai. Na tupela pikinini i kirap na askim em, yumi stap long wanem ples? Na mama muruk i tok, sapos yutupela i hangre, i gat banana i stap. Yutupela i ken kaikai. Na tupela i kaikai banana na makim ples bilong ol long dispela hap.

Na taim ol i stap hia mama i go daun long ples bilong ol muruk long tais. Na mama i kam na tok, yutupela i mas mekim spia na kilim muruk na yumi kaikai. Mama i trikim tupela pikinini na tupela i go daun na lukim mama muruk i tanim olsem muruk. Na bikipela brata i tok: Mi save em i mama. Taim tupela i slip, mama i tokim tupela, yutupela sutim mi. Mi bilong yutupela. Yutupela i mas wokim banis raun wara long mi. Na long moning taim tupela i go daun long wara na mekim banis raunwara long em. Na tupela i mekim banis pinis na mama i sting. Na ol kain kain kaikai i kamap long mama muruk. Na ol man i kam na kisim ol dispela kaikai na sampela ol i kaikai na sampela ol i planim.

Thomas Kwarunyala,
Maprik.

Ansa bilong Wod Pilai isu 2174



Rausim ol pasindia long giaman toktok long bom i stap long balus

OL i bin stopim na rausim ol pasindia bilong Ryanait flait i bin laik lusim Norway i go long Manchester long Inglan, bipo tasol em i tekof, ol polis long Ostfold Kaunti i tok .

Ol i wokim dispela bikos tupela pasindia, wanpela man Inglan na narapela man bilong Sri Lanka, i wok long belhat long wanpela narapela na ol i kolim ‘bom’ we i mekim ol lain long balus i wari olsem i mas gat bom insait long balus.

Bihain long ol sekyuriti i bin sekim gut ol samting na painimaut olsem i no gat



Polis i tok ol i bin arestim tupela man long Ryanair flait.

bom insait long balus, ol pasindia i go bek na balus i skruim ran bilong em lusim Norway.

Tasol pastaim tu, ol i bin kliarim Old Trafford futbol stedium long Norway na

kenselim futbol mets bihain ol i bin painim wanpela pasel i gat samting i luk olsem bom. Tasol ol sekyuriti i sekim na kliarim dispela na painim olsem em i no bom.

Iraq hevi: Ol IS sisaid boma long Taj ges plent

OL Islamik Stet (IS) grup i kamapim susait atek long wanpela ges fektori klostu long Baghdad na 14-pela pipel i dai long en. 20 i bin kisim bagarap, ol Iraqi opisal i tok.

Birua i kamap taim tripela bom i pairap long get bilong ges plent long Taj we i stap long not bilong kapitel, taim 6-pela man i putim ol eksplosiv belt i spit i go insait na boim ol ges tenk bipo ol sekyuriti fos i go insait na kisim bek ges plent.

IS i kontrolim bikpela hap bilong westen na noten Iraq na i strongim ol atek bilong em long Baghdad nau.

Ol dispela i dai em ol woklain long ges plent na sam-



Atek long ges plent we stet i ranim long Taj long Sande.

pela sekyuriti fos memba.

Dispela atek i kamap 4-pela de bihain kar bom atek we i bin kilim 93 pipel loong Baghdad las wik Trinde na dispela em i nogut olgeta long ol atek i kamap long dispela hap long dispela yia.

Long wankain taim, Iraq i stap long politikel krais.

Ol poliitkerl grup i bruk bruk i stap na dispela i stopim ol long kamapim nupela kabinet. Dispela i kamapim wari sapos gavman inap long pait egensim IS.

Ol wailpaia long Canada: Alberta i autim poto long smatpon i go long ol residen i stap wantaim wari

GAVMAN bilong Canada i autim wanpela satalait imij o poto long smatpon we ol pipel bilong Fort McMurray taun long Alberta Provins i ken lukim ol bagarap we wanpela bikpela wailpaia i kukim taun, ol haus na olgeta samting.

Moa long 80,000 pipel i bin lusim ples bilong ol na ronawe tupela wik i go pinis taim waipaia i kukim taun na ol haus na olgeta samting bilong ol.

Ol ripot i tok wailpaia ya i kukim moa long 2,400 haus pinis.

Munisipel Afeas Minista bilonbg Alberta, Danielle Larivee, i tok lukaut olsem ol piksa i ken kamapim bikpela belpen, wari na hevi, tasol em i tok ol i salim ol piksa long smatpon bikos ol pipel i ken lukim mak bilong wailpaia birua i kamapim long ol haus na ples bilong ol.

Plantu tausen pipel i lusim ples i stap nau long ol tem-



Plen long larim ol residen long go bek

poreri haus sel samting. Ol i nogat samting, tasol ol i stap sambai long harim nius long go bek long ples bilong ol.

Ol opisel i tok ol plen long kisim ol residen i go bek long taun bilong ol bai redi long tupela wik i kam. Tasol paia i wok long kuk i stap yet.

„Ol piksa bai helpim mipela long ansaim ol askim yupela i gat long ol haus na komyuniti bilong yupela,” Mis Larivee i tok.

Las fraide, Praim Minista

Justin Trudeau bilong cvanada i bin mekim wanpela lukluk raun i go long Fort McMurray long namba wan taim bihain long birua na muvim ol manmeri na pikinini bilong dispela birua i go aut.

Em i tok bihain long em i lukim birua na ol bagarap, ol i nogut tru.

Wailpaia i karamapim eria inap long 2,410 skwea kilomit na em bai paia yet long narapela tupela wik i kam.

Filipins: Duterte i promis long bringim bek det penelti



Mista Duterte i wokim sampela strongpela toktok long ileksen kempen bilong em.

PRESIDEN ilek bilong Filipins, Rodrigo Duterte, i promis olsem em bai kirapim strong gen kapitel panismen na givim tok orait long ol sekyuriti fos long sutim na kilim ol bikhet man.

Ol narapela polisi we presiden ilek i lukluk long ol em, putim tambu long alkohol o strongpela dring, smuk na putim kefiu o taim tambu long ol pikinini.

Em i promis tu long tanim pales eria bilong presiden olsem haus sik.

Ol i kolim Mista Duetre olsem „the punisher” long rekot em i gat long kresim ol kraim taim em i bin stap olsem meya long Davao taun.

Ol sekyuriti fos i bin kilim dai moa long 1,000 kriminel taim Mista Duetre i bin meya long Davao.

Filipins i bin rausim kapitel panismen long yia 2006.

'Det skwat meya'

Insait long wanpela bung wantaim ol niuslain, Mist Duetre i bin tok sapos em i winim posisen bilong presiden, em bai askim strong Palamen long kirapim o putim bek det penelti na rot long go hetim dispela em long hangamapim ol lain i asua na ol i kisim sas long det penelti.

Em i tok ol bai givim pemisen o tok orait long ol polis long sutim long kilim i go long ol bikman bilong ol oganais kraim na ol lain bikhet na raskol lain i ronawe long polis ares.

Krais long kantri Venezuela: Maduro i tok em bai kisim bek ol fektori



Posta bilong oposisen protesta i soim empti ais bokis long protes egensim sot long ol drag.

PRESIDEN bilong kantri Venezuela, Presiden Nicolas Maduro, i tok em bai kisim bek ol fektori ol i pasim na kalabusim ol papa bilong ol.

Long wanpela toktok bilong em we em i meki8m long kapitel bilong kantri, Caracas, em i tok kantri i wok long stap long ikonmik krais, na em i mas kirap ol rot bilong prodaksen o kamapim ol samting.

Long Fraide, em i kamapim nupela stet ov imejensi long olgeta hap bilong kantri.

Ol protesta long Oposisen i wok long bung long karimaut vot long rausim em long pawa.

Mista Majuro i tok i mas gat stet ov imejensi long rausim ol forena o lain bilong ol narapela kantri husat i wok long givim sapot

Long 2015, Humen Rights Watch i bin kolim Mista Duetre olsem, ‘det skwat meya’ long Davao long strongpela pasin bilong em long daunim kraim na givim mekim save long ol kriminel na ol bos bilong ol.

Duterte in quotes

Ol Quote o sampela toktok bilong Duetre Long promis bilong em long kilim ol kriminel:

‘Lus tingting long humen rait lo... yupela ol drag lain, ol holap lain na ol lain i raun nat-ing, yupela i mas go aut. Bikos bai mi kilim dai yupela na dampim yupela long Manila bay na mekim ol pis i kamap patpela.’

Long reip pasin long wanpela meri misineri:

‘Mi lukim pes bilong em na mi ting, yupela ol pikinini bilong dog...mi kros tru taim mi lukim ol i bagarapim meri i gat naispela pes tru. Mi ting olsem i gutpela moa sapos meya yet i kisim em pastaim.’

Long raun bilong Pop long Filipins na trefik holap:

Mipela i kisim hat taim stret long trefik. Mipela i kisim 5-pela awa... mi bin laik tok: Pop yu pikinini bilong meri nogut.. noken raun i kam lukim mipela gen.’

Long kisim Vaiagra:

“Mi na meri bilong mi i no stap wantaim. Mi nomol man tasol bai mi wokim wanem samting? Tasol larim dispela i hangamap foeva. Taim mi kisim vaigra, em i save sanap foeva.”

na em mi sutim tok long ol i kamapim ol hevi long Venezuela.

Em i tok ol bai karimaut ol militeri ekseais na bai stat long neks wik long rausim ol ‘foren tret’ o ol lain bilong narapela kantri i strongim sait bilong ol.

Kantri Venezuela i namba wan kantri o top kantri long wol long gat ol oil rise, tasol ikonomi bilong em i bungim bikpela hevi tru nau bikos prais bilong oil long wol i pundaun.

Hegvi long kaikai i sot, marasin na ol besik guts na sevis i kamap, na Mista Majuro i tok dispela em bikos ol bisnis lida na Amerika i karimaut ikonmik wo egensim gavman bilong em.

Yangpela PNG na Australia i toktok long bisnis

OL Yangpela Papua Niugini bisnis man na meri na ol profesenel i bin gat sans long autim tingting bilong ol wantaim ol wankain lain olsem ol yet bilong Australia long makim de bilong Australia Hai Komisen PNG-Australia Bung Wantaim-Yumi Poroman Wik long Fonde las wik.

Insait long wanpela toktok wantaim Yanpela Pot Mosbi Semba ov Komes na Indastri (POM CCI) na Lowy Institiut,

4-pela laing bilong Australia i go pas long dispela toktok bilong ol hait toktok bilong ol rot bilong bisnis i save kamap gut.

Ol papa bilong sosol bisnis, Tessa Albrecht na Julian O'Shea, wantaim PNG-Australia Netwok Dairekta Jonathan Pryke na 'coffee-preneur' Sabine Joseph, i autim stori bilong tupela long bisnis na ekspirens wantaim ol memba bilong Yanpela bilong Pot Mosbi

Semba ov Komes na Indastri.

Yangpela POM CCI Presiden Christopher Elphick i tok: "Yanpela POM CCI i save givim sans long ol Pot Mosbi bisnis man na meri long kamapim gutpela bisnis na profesenel laip bilong ol long we bilong kisim save olsem dispela semina o long netwok na mentoring taim long ol nait miting bilong ol."

"Mipela i laik tok tenkyu long ol spika bilong Australia long givim taim bilong ol long serim tingting bilong ol na save wantaim mipela, na Lowy Institiut long mekim dispela tiam i kamap na tu long Australia Hai Komisen long singautim mipela long stap insait long PNG-Australia Wik program."

Pot Mosbi Semba ov Komes na Indastri Vais Presiden Ken Dunn i tok: "Ol memba bilong Yangpela POM CCI em i makim bihain taim bilong bisnis. Mipela i amamas olsem ol i kisim dispela taim long lainim nupela samting na long toktok wantaim ol narapela lain husat i gat planti save na ekspirens long stori wantaim."

Dispela ol toktok em i wanpela hap bilong enuel PNG-Australia Bung Wantaim Yumi Poroman Wik we Australia Hai Komisen i save holim long soim ol wanem kain wok bung i stap namel long PNG na Australia long olgeta kain wok olsem musik, spot, entetenmen na edukesen.



Yangpela POM CCI Presiden Christopher Elphick tok welkam long ol spika.

Sauten Hailans Egro Indastri Projek i kisim tok orait



Tupela lain bilong Join Vnsa i sainim projek agrimen long Gavman Haus long las wik we Gavana Jeneral bilong Papua Niugini, Gren Sif, Sir Michael Ogio i bin stap long witness. Poto: Gavman haus.

GREN Sif Sir Michael Ogio, Gavana Jeneral bilong Papua Niugini, i bin makim Stet long kamapim namba wan kain egro indastriel senta long Sauten Hailans provins.

Ol i bin sainim ol pepa bilong projek agrimen insait long Gavman Haus long las wik namel long Sauten Hailans Provinsal Gavman na Innovative Agro-Indastri Limited (IAL) long ai bilong Seketeri bilong Dipatmen bilong Egrikalsa na Laipstok, Dokta Vele Ila'ava.

Sauten Hailans provinsal gavman na IAL bai wok bung wantaim long wok bilong projek long Join Ventsa Kampani wantaim sapot bilong nesenel Gavman aninit long Dipatmen bilong Egrikalsa na Laipstok. Gavman i givim 10 yia takis malolo long Join Vensa Kampani aninit long Rurel Developmen Inisentip.

Nupela Hailans Egro Indastriel Senta bai gat ol nupela kain stail bilong holim ol kumu long ais na wanpela kumu fam bilong groim

kumu bilong em yet na tu long kisim long ol lokal kumu fama long ples. Bihain ol bai stretim na pasim bilong olsem ol kumu bilong frisa i go long ol kastoma ausait.

Tingting baksait long dispela Projek em bilong kisim ples bilong ol kumu we i save kam lng ovasis na long kamapim ekspot maket, kamapim moa wok bilong ol lokal fama na long lainim save bilong wok long kumu fam i go long ol lokal fama.

Hailans Egro Indastriel Senta bai kamap long Pangia insait long lalibu/Pangia District bilong Sauten Hailans provins we bai gat wanpela opis, plent, wehaus na hap bilong lainim we bilong fama.

Sauten Hailans Provinsal Edministreta, Joe Kaiyo i tok, kamap bilong Senta bai ruasim bikpela hevi bilong kumu maket long ol bikpela siti olsem Lae na Pot Mosbi.

Seketeri Dokta Ila'ava i tok, kamap bilong projek em long taim stret long PNG i redi long holim ol bikpela kibung bilong

wol olsem APEC long 2018.

"Em i gutpela long yumi mas gat wol klas kaikai i kam long Senta tasol yumi yet PNG tu i mas kisim gutpela samting long en. Em i no gutpela long yumi salim tasol ol gutpela samting i go aut long ekspot na yumi stap wantaim samting i no gutpela tumas o seken klas," Dokta Ila'ava i tok.

Siaman bilong IAL Chairman na Dairekta, Ilan Weiss, Senta bai kamapim ol kumu we i kamap long graun stret na i no wantaim helpim bilong ol marasin fetilaisa na ol dispela kumum bai karim planti moa long winim ol ovasis maket. Em bai helpim tu long hevi bilong transpottim ol kago i go long ovasis na long eben senta.

Mista Weiss i mekim luksave long Hela Gavana, leit Anderson Agiru long visen bilong em long helpim ol pipel bilong em long gat kain projek olsem Egro Senta na Dapaten bilong Egrikalsa na Laipstok long bringim dispela tingting i karim kaikai.

Lionel Messi i kamap Huawei Globol Bren Embaseda

HUAWEI, globol kampani we i save go pas tru long Infomesen Komyunikesen Teknoloji (ICT) na telekomyunikesen solusen, i bin tokaut long mun Mas olsem em i makim Lionel Messi, biknem soka sta bilong kantri Argentina olsem wanpela bilong ol Globol Bren Embeseda bilong makim piksa bilong kampani.

Patnasip namel long Lionel Messi na Huwawei Globol Kampani i soim olsem dispela bren nem i go wantaim ol pipel na i soim gutpela wei bilong kamapim nem ples klia.

Ol salens olsem i traim gen bel kirap bilong mipela long kisim stret wanem samting yumi laikim tru. Long wok bung wantaim kain biknem olsem, yumi mas tingting long gro long bisnis, lainim nupela we na wok strong olsem hap stori bilong yumi we i bringim yumi kam long dispela hap tude. Ol lain husat i klia olsem olgeta taim mipela i no painim rot long win tasol mipela i wok long painim salens long kamap gutpela moa. Olsem na dispela tasol i mekim Huwawei na Lionel Messi i wankain long wokbung wantaim.

"Lionel Messi bai helpim bren bilong mipela long kisim tingting bilong ol pipel na holim pas long ol na lukautim ol; na long pas wantaim biknem insait long Yurop, Esia na Latin Amerika we Huawei i putim bikpela

tingting long en." Kevin Ho, Presiden, Handset Bisinis, Huawei Konsuma BG i tok.

Huawei i gat bilip olsem spot em i wanpela bikpela rot we ol pipel i save mekim laip bilong ol i kamap gutpela olsem na ol i putim tingting bilong mipela i go long spot na futbol em i namba wan.

Lionel Messi i tok "Yu mas pait long kisim wanem samting yu driman long en. Yu mas mekim sakrifais long go insait olgeta, na olgeta taim yu mas lukluk i go het long kamap namba wan. Long taim stret yu ting i no gat moa long yu mekim, em yu mas taitim bun yet long kisim ol narapela ples i antap liklik moa."

Huawei i gat bikpela laik long wokim nupela samting olsem na nau em i stap olsem namba wan long wokim tripela smatfon long wol.

Gutpela disain na wok bilong biknem lain smatfon 'Mate, P' na G i kamap nau olsem wanpela bikpela primium mobail bilong ol bikpela mani na bisnis lain long olgeta hap bilong wol.

Disain Mate 8 em bilong ol smatpela bisnis profesenel husat i laik wok wantaim nupela stail.

Stat long taim em i bin kamap long 26 Novemba, 2015, Huawei i salim pinis 3 milien Mate 8 smatfon i go long ol kastoma long olgeta hap bilong wol.



Ol Eksekutive Tim bilong Huawei Mobail Teknoloji wantaim futbol sta, Lionel Messi (namba tu long hankais), i holim ol soka siot wantaim nem bilong smatfon bren Huawei na Lionel Messi long taim ol i tokaut olsem Lionel i kamap bren embaseda bilong ol. Poto: Huawei websait.

Namba tu hap bilong PMIZ Projek wok bai kos US\$ 156 milien

James G. Kila i raitim

NAMBA tu hap bilong wok developmen bilong Pasifik Marin Industrial Zon (PMIZ) projek long Madang bai kos US\$ 156 milien.

Minista bilong Trensport na Infrastraksa na Memba bilong Madang, Nixon Duban i tokaut klia long dispela long las wik Tunde insait long Madang Provinsal Asembli miting taim em i givim posisen bilong gavman long ol provinsal asembli memba.

Em i tokaut long ol provinsal asembli memba olsem PMIZ projek em wanpela bikpela projek stret we i stap long agenda o luksave bilong PNG Nesenel Gavman.

Mista Duban i tokaut klia tu olsem wok nau i go long han bilong Dipatmen ov Treseri long kamapim wanpela sabmisen pepa long givim i go long Nesenel Eksekutiv Kaunsil (NEC) long bringim i

go aut long painim mani sapot long sapotim dispela bikpela wok.

Em i tokim provinsal asembli olsem namba wan hap bilong PMIZ projek we i kos US\$300 milien em planti ol wok i pinis, tasol wok i isi isi liklik bikos kontrakta i go bek long lukluk gen long disain wok na stretim wanem ol samting we em i mas wokim.

Mani bilong kamapim namba wan hap bilong wok long PMIZ projek em Nesenel Gavman i kisim i kam long Exxim Benk bilong China.

Gavana bilong Madang, Jim Kas, husat i bin stap olsem siaman long dispela provinsal asembli miting i tok amamas long stap bilong Mista Duban long givim toktok long posisen bilong Nesenel Gavman long dispela bikpela PMIZ Projek.

Mista Duban i no bin stap long ol arapela provinsal asembli miting bikos long em save bisi tru long ol wok bilong em olsem nesenel

minista. Tasol stap bilong em las wik long Madang Provinsal Asembli miting i mekim ol provinsal memba i amamas.

Gavana Kas i tokaut long Madang provinsal asembli long las wik tu olsem em nogat bel nogut o kros long Minista Duban. Wanem ol toktok we i kamaut long midia na niuspepa em ol tok pait bilong politiks tasol, na olsem ol lidaman, dispela em pasin bilong politiksa we ol i mas save gut long en na noken.

Mista Kas i tok tenkyu long Minista Duban long stap bilong em long Madang Provinsal Asembli long givim toktok long posisen bilong Nesenel Gavman, na em i tok olsem Gavana bilong provins em i laik wok klostu wantaim olgeta Nesenel MP na provinsal memba long bringim sevis i go daun long ol pipel long distrik, lokal level gavman kaunsil (LLG) na ol wod.

ILG lain ken rejista long nupela Madang opis



Nupela Madang provinsal Sivil na Aidentiti rejistri opis long long Madang provinsal hetkwata. *Poto: James G. Kila*

James G. Kila i raitim

OL KASTOMARI papagraun long Madang husat i laik rejista intagreted len grup (ILG) bilong ol nau i ken go long nupela Sivil na Aidentiti rejistri opis long Madang provinsal hetkwata na stretim ol pepa wok bilong ol.

Dispela nupela Madang Provinsal Sivil na Aidentiti Rejistri Opis i opim dua bilong em long stat bilong dispela mun long sevim ol pipel bilong Madang na nau ol i no ken westim mani long baim balus na go long Mosbi long stretim ol pepa wok long rejista long ILG bilong ol.

Dairekta Jeneral bilong Sivil na Aidentiti Projek, Dickson Kiragi i bin tokaut long dispela long Fraide, Me

6 long taim bilong opim nupela Madang Provinsal Sivil na Aidentiti Rejistri Opis we Minista bilong Nesenel Plen-ing, Charles Abel i opim.

Opis ya em i kamap olsem namba 9 PNG NID opis insait long kantri.

Mista Kiragi i tok olsem ol pipel bilong Madang long ol distrik na LLG na ol papagraun long ol wod kaunsil nau bai i no inap westim taim long kisim balus na westim mani long go long Mosbi long stretim ol pepa long kamapim ILG. Nau ol i gat opis long Madang we i ken helpim ol long rejista long ILG bilong ol.

Em i askim ol pipel long Madang long yusim dispela nupela provinsa Sivil na Aidentiti rejistri opis long kisim sevis.



Praim Minista Peter O'Neill wantaim ol lain long lons bilong PMIZ Projek long Madang long las yia.

Wekmara kakaruk na pik menesmen trening bai kamap

James G. Kila i raitim

LONG dispela taim nau planti nius i kamap long kantri long protes na straik na pasim ol wok na sevis, tasol ol pipel long rurel ples long PNG i wok strong yet long kamapim gutpela sindaun long komyuniti na long mekim PNG i kamap gutpela ples.

Wanpela smolholda egrikalsa faming grup long Somau-Garia senses divisen long Usino-Bundi distrik long Madang bai holim wanpela smolholda poltri na pikeri fama menesmen trening stat long Me 23 i go Jun 3, 2016.

Dispela trening bai kamap long Monpi neseri sait long eria bilong Sanama Kisa na William Unbaria klostu long Danaru viles.

Dispela menesmen trening em Ramu NiCo Menesmen Komyuniti Afes na Projek Menesmen Yunit bilong Madang provinsal gavman bai go pas long ranim.

Operesins Menesa bilong Wekmara Poltri, Thomas Ekik i tok olsem ol laik lukim ol fama long wod 13 i go 17 na 31 i go 32 stat long Urigina Kesowai na Igoi Sop sensus divisen long kamap long dispela pikeri na poltri trening.

Mista Ekik i tok olsem ol

bai kisim samting olsem 80 fama bai stap insait long dispela pikeri na poltri menesmen trening.

Em i tok ol lain husat i laik save moa long rot bilong lukautim kakaruk na pik i ken baim K60 rejestresin i go long akaun nem, Thomas Wekmara na akaun namba em 201-41271 na bringim risit long soim ol ogenaia long stap insait long dispela menesmen trening.

Em i tokaut tu olsem long taim bilong greduesin bihain long trening ol komiti i plen long bringim Minista bilong Egrikalsa, Tommy Tomscoll long go givim setifiket.



Karkar ailan bilum pestival bai kamap

James G. Kila i raitim

NAMBA wan Karkar Ailan Bilum Festival (KIBF) bai kamap long Mapor viles long Karkar ailan long Jun 3 i go 5 long dispela yia.

Em i namba wan taim tru kain kalsa pestival olsem l bai kamap insait long Madang provins na long Karkar ailan stret. Em bai promotim dispela kalsa moa bikos ol meri long ailan em ol sempion lain tru bilong tanim rop na wokim ol stail na naispela Karkar o Madang bilum.

Siaman bilong KIBF, Pholas Yongole i tokaut long midia olsem ol wok redi long kamapim dispela pestival i go orait tasol na ol meri KRX tu i redi tasol long soim ol stail na kain kala bilum bilong ol.

Mista Yongole i tok olsem husat lain i laik long soim ol arapela prodak bilong ol em ol i welkam long go putim stol na givim infomesin.

“Mipela wok long kisim planti gutpela sapot i kam long ol pipel long olgeta hap long PNG bikos dispela em namba wan taim tru long promotim Karkar bilum na kalsa na kala stret bilong ol Karkar pipel,”Yongole i tok.

Em i tok tu olsem ol lain husat bai gat bikipela luksave long dispela pestival em ol meri Karkar husat i save stret long wokim stail Karkar bilum.

Ol pablik na manmeri husat i go long dispela tripela de pestival bai i gat sans tu long go raun na lukim ol meri i statim na wokim ol bilum.

Yongole i tok tu olsem bai

i gat taim bilong lainim ol kain kain stail bilum bilong ol pablik i lukim na tu bai i gat lain i soim wanpela spesel kaikai bilong Karkar ailan ol i save kolim "purong" em ol i save wokim wantaim galip na taro.

Tumbuna singsing tu bai stap long dispela pestival long givim kala na samsam long mekim ol pipel i amamas.

PNG Ilektorel Komisen (PNGEC) i tokaut olsem em redi long putim wanpela haus sel bilong en long dispela pestival long mekim luksave bilong Nesenel Ilesen long neks yia.

Ol bisnis haus husat i soim laik pinis long sapotim pestival em Coca-Cola Amatil na Benk Saut Pasifi. I gat ol arapela bisnis haus long Madang tu i laik helpim.



Bikpela bena i promotim Karkar ailan bilum pestival long Madang taun. *Poto: James G. Kila*



Ol stail Karkar bilum ol mama i salim long Madang taun maket.

Wok saksak long ples

Stori na ol poto
Anna Solomon

LAIP long ples i no save bihainim klok. Sapos yu no wanpela wokman bilong gavman o kampani, bai yu bihainim san long mekim ol wok long wan wan de.

Mi bin go malolo inap wan wik long ples na mi kisim win gut bikos i no gat bikipela pairap bilong televisen o ol kar o singaut bilong ol manmeri. Mi harim tasol krai bilong ol pisin na nois bilong ol kakaruk na dok na si i bruk longwe long nambis.

San i bin stap longpela taim na tais i drai na ol hul wara tu i bin drai olsem na i no gat planti lain i bin wok saksak. Tupela de bihain long mi kamap long ples, ren i bin pundaun na tait long liklik wara i rausim ol pipia na klinim wara. Famili i lukim olsem na ol i pasim tok long wok saksak.

Brata bilong mi, Jerry, i kirap long bikmoning long Trinde na em i go katim wanpela saksak diwai. Em i brukim long het na stat long skrapim. Meri bilong em, Petronella i wokim bet arere long wara na stretim limbum bilong wasim na kolek-

tim saksak. Pikinini man, Augustine i kam bihain na helpim papa long skrapim saksak. Pikinini meri, Felicity i helpim long karim na wasim saksak.

Long kalsa bilong mipela, ol Wewak lokel, ol man tasol bai skrapim saksak na wok bilong ol meri em long karim na wasim. I tambu long ol meri i kalapim diwai saksak.

Long belo, kaikai bilong saksak i stat long kamap long limbum. Na long 7 klok nait, mipela i kaikai nangu i kam long dispela diwai saksak.

Famili i wok inap tripela de, bikos ol arapela lain famili i kisim tok save na ol tu i kam helpim long skrapim na wasim saksak.

Wok saksak em i bikipela wok na i mas gat planti man na meri i wok wantaim long pinisim wanpela as bilong saksak. Ol inap wok wan wik o sampela de tasol sapos ol i laik larim hap saksak i stap na bai ol binatang i kamap long en. Binatang bilong saksak em i wanpela gutpela abus bilong mipela.

Bihain long wasim saksak, yu mas tromoi gut ol meme bilong en long wanpela hap na bai ol talinga i gro long en. Talinga bilong saksak tu em i wanpela naispela kaikai.



Augustine Wamandowi i helpim long skrapim saksak.



Jerry i skrapim saksak.



Felicity i sanap long as bilon saksak.



Petronella i wasim saksak.

Farah i kisim bagarap long nek ...Bulldogs i daunim Tigers



Josh Reynolds i singaut long helpim Robbie Farah.

HUKA bilong West Tigers, Robbie Farah, i kisim bikipela bagarap long nek taim em i bin bam wantaim faiv-eit bilong Canterbury Bulldogs, Josh Reynolds long NRL pait long Sande long Olimpik Stediam long Sydney.

Ol Canterbury Bulldogs i daunim ol West Tigers, 36-4. Ol i lus bikos Farah i kisim bagarap na dispela i kilim paia bilong ol Tigers long pilai strong.

Farah i pundaun long

graun taim em i bam long hip bilong Reynold taim em i kikim bal.

Ol Tigers i tok olsem Farah i wokabaut orait bihain long em i bam wantaim Reynold na ol i kisim em i go long hausik long sekim.

“Robbie i orait. Em i pilim liklik pen long nek bilong em,” Kosa bilong ol Tigers, Jason Taylor, i tok bihain long pilai i pinis.

“Taim em i lusim pilai graun, em i go wantaim bel isi na mipela i gat strongpela

tingting olsem em bai orait.”

Em i tok moa olsem, “Farah i ting olsem em i kisim bikipela bagarap na mipela tu i ting olsem na i gat bikipela wari long em, tasol em bai orait.

“Dokta i gat strongpela tingting olsem em bai orait.”

Long sait bilong makim ol skwat bilong Nu Saut Wels Stet ov Orijin long NRL raun bai kamap long neks wik, kosa bilong Blus, Laurie Daley, bai lukluk klostu long bagarap bilong Farah.

Dragons i amamas long rausim bilong wanpela NRL resis

St GEORGE Illawarra Dragons i amamas long ol toktok bilong rausim wanpela resis long NRL na namba wan pilaia bilong Dragons, Josh Dugan, i tokaut long dispela.

Kosa bilong Sydney Roosters, Trent Robinson, i bin mekim sampela nogut toktok long ol Dragons taim ol i bin pilai long Anzac De.

Bihain long Robinson i mekim dispela toktok, ol i bin sasim em long baim \$40, 000 fain na tu, ol i bin toktok long dispela het tok long bung bilong ol kosa i bin kamap long las wik na NRL i lukluk long rausim ol klap husat i no bihainim ol lo bilong NRL.

Namba wan resis bilong raun namba 10 i kamap olsem taim referi, Ashley Klein, i no lukim bek-rowa bilong Dragons, Joel Thomp-



Blake Austin i salim bal egensim ol Dragons.

son, i mekim wanpela hai takol long namba wan pilaia bilong ol Canberra Raiders, Blake Austin.

Ol i no rausim referi na dispela i amamasim kosa bilong ol Raiders, Ricky Stuart,

tasol bihain, resis rivi komiti i sasim Thompson na stopim em long pilai insait long wanpela wik.

“Mi ting olsem olgeta tim i mas pilim sem liklik long dispela taim,” Dugan i tok.

Sharks daunim Knights, 62-0



Valentine Holmes i ran i go longwe long Dane Gagai long putim namba wan trai bilong ol Sharks.

CRONULLA Sharks i daunim ol Newcastle Knights olsem liklik boi, 62-0, taim Valentine Holmes i kisim ol skoa hariap tru.

Long wankain taim, win bilong ol Sharks i mekim na Ben Barba i salim toktok i go long ol selekta bilong Kwinslan Stet ov Orijin olsem ol Sharks i no givim

wanpela sans long ol Knights long kisim wanpela skoa, nogat.

Holmes i skorim 4-pela trai long dispela de na dispela i salem em yet long seleksen panel bilong Maroons.

Em i soim olgeta stail bilong em long stat bilong dispela sisen we ol i bin win

wantaim 8-2 egensim birua tim na winim 7-pela raun long lain we ol i bin daunim tim husat i stap namba wan ples long lada, Brisbane, na namba tri ples, Storms.

Namba foa trai bilong Holmes i kamap long 47 minit na ol narapela pilaia tu i bin putim ol trai bilong Sharks long dispela taim.

Hayne i lusim San Francisco NFL



Jarryd Hayne i ranim bal egensim ol Steelers.

BIPO ragbi lig pilaia, Jarryd Hayne, i tokaut olsem taim bilong em long pilai long NFL long San Francisco i kam long mak na em i laik joinim Fiji ragbi sevens tim long go resis long Rio Olimpik Gems.

“Mi no inap long larim dispela sans i go,” Hayne i tok.

“Olimpiks em i wanpela samting mi bin laikim inap taim mi liklik mangi yet,

na dispela em i wankain sans olsem mi bin joinim NFL.”

Hayne i gat 28 krismas na em i bin bon long Sydney tasol papa bilong em, Manoa Thompson, i bilong Fiji. Thompson em i bipo pilaia bilong NRL.

“NFL long San Francisco i no bilip taim mi tokim ol olsem mi bai stat wantaim narapela driman bilong laip

bilong mi,” Hayne i tok.

“Mi bin stap 12 mun wantaim San Francisco em i bikipela samting we mi bai tingim yet long lap taim bilong mi.”

Em i joinim San Francisco olsem nupela man long Mas 3, 2015, na em i kisim ples bilong bipo kosa, Jim Tomsula. Em i mekim gut long olupela spot insait long wanpela yia, bipo long joinim NFL.

Clarke bai go pas long Twenti20 Blitj bilong Hong Kong

BIPO kepten bilong Australia, Michael Clarke, bai go pas long Twenti20 bilong Hong Kong Blitj long dispela mun taim em i go het na pilai long sotpela fom bilong kriket.

Clarke em i wanpela top betsmen long jeneresen bilong em bai go pas long foatim tonamen kriket resis long Me 28 inap 29 bihain long em i bin long em i lusim spot long las yia.

“Taim mi no bin go long Hong Kong bipo, mi bin

harim olsem Hong Kong em i bikipela ples bilong spot,” Clarke i tok.

“Mi amamas long bungim ol tim poro bilong mi na lukim siti, na tu mi bai pilai kriket long Hong Kong we mi save olsem ol dispela resis i bin kamap long ol yia i go.

Clarke i bin lusim pilai long las yia bikos em i bin kisim bagarap bihain long em i bin pilai 115 Tes bilong Australia, 47 olsem kepten. Na, wanpela taim em i bin pilai


247 long intanesenel resis, tasol em i bin pilai 34 Twenti20 intenesenel resis.

Clarke i bin go bek na pilai long Sydney klap gem long Febueri na em i bin toktok wantaim Sydney Siksa long pilai long Twenti20 Big Bash Lig long Australia.

Ol Ogenaisa i tok olsem ol i amamas long welkamim Clarke long Twenti20 Blitj na bihain, Hong Kong bai kamaut long Wol Twenti20 tonamen resis long dispela yia.



Greg Tuma, lida man blong Bundi na CA Supavaisa long KBK Mine i tokim ol pipel long hevi kampani i bungim nau.



Komyuniti lida, Bare Diri i tokim ol manmeri long go lotu na kamapim gutpela sindaun.



Ol polis man long KBK i tokim ol pipel long noken dring yawa, bia na simuk spak brus na daunim pasin bilong lo na oda.

Ol papa graun i sapotim Ramu NiCo projek

OL papagraun insait long Ramu NiCo Projek i gat bikpela bel hevi long lukim Ramu NiCo Projek i pas nau na ol i tokim kampani olsem wok bung i mas stap long lukim dispela projek i stat areap.

Olgeta papagraun i givim dispela sapot tok i kam bihain long KBK Mine menesmen i bung wantaim ol papagraun long las wik Trinde we kampani i tok aut long ol progress bihain long Mains Inspekta bilong MRA (Minerel Risos Atoriti) i putim wanpela oda long ol tripela HPAL masin we save mekim MHP (nikel na cobalt) long Basamuk i mas stop pastaim. Dispela stop oda i kamap long mun Epril 15 bihain long wanpela man China dai na tupela PNG man i kisim bikpela bagarap long dispela masin i bruk.

Long bung bilong ol, KBK Mine Menesa, Sarimu Kanu i tok kampani i mekim bikpela disisin long abrusim bikpela mani birua we kampani i gat nau. Long dispela as tasol, Mista Kanu i tok, sampela wok man em kampani i rausim olgeta, sampela ol i tok bai weit long ples stap inap kampani wok stat gen na bai ol i kam bek, na sampela ol wok man i stap yet long work ples. Ol China man na PNG man tu i kisim ol dispela luksave.

Mista Kanu i tok, ol wok man em Kampani i rausim i kisim pinis pei na bai go olgeta. Dispela em ol man husait i gat nogut rekot long sait bilong wok olsem ol i save let, ino save kamap long wok planti taim na save biket tumas. Ol lain husait kampani i rausim ol i stap wetim operesin em kampani bai peim ol 30% mak pei inap ol i kam bek.

Ol lain husait i nau wok yet em Mista Kanu tok ol i gat save long

mekim ol narapela wok taim main i pas. Ol dispela lain em maski ol i wok, kampani i katim ol awa bilong ol na givim ol 90% pei mak tasol.

Dispela ol luksave em Mista Kanu i tok Ramu NiCo kampani i skelim moni mak i stap insait long benk akaunt na mekim disisen we inap kisim kampani i go mak long 3- pela mun tasol.

"Mipela i bilip olsem kampani bai i kam bek long prodeksen bihain long 3-pela mun na kain disisin em mipela i mekim na mipela laikim ol papagraun i mas luksave long hevi bilong mipela," Mista Kanu i toktok.

Linda man bilong KBK Main asples, Mista Bare Diri i tok ol papagraun i sapotim stret projek na i laikim kampani i mas kam bek long operesen hariap tru na wok i mas stat kwik.

Mr. Bare i tok disisen em kampani mekim long rausim ol wok man em kamap antap long luksave long sait bilong mani na dispela em gutpela dissisin na ol papagraun i sapotim.

"Mipela i no nap lukim wanpela wok man or papagraun i toktok long wok taim kampani i bungim birua. Dispela em mipela ol papagraun i no sapotim," Mista Diri i tok.

Ol narapela papagraun tu i sapotim kampani long disisin em i wokm na tok aut olsem ol i bai kamapim wanpela tingting long karim wok awenes i go long ol hauslain long bai ol manmeri i save stret long as tingting bilong kampani.

Long wankain taim, CA opisa long KBK, Polis, na ol kampani wok man i bin karimaut wanpela awenes last wik na tokim ol manmeri long ol hevi kampani i bungim nau.

Man i go pas, Mista Tuma i tok Ramu NiCo ino pas tasol ol i stopim tri-pela bikpela masin, HPAL long Basamuk we i bai kisim sampela taim bihain long MRA i tok orait long ol i bai wok operesin.

Em i askim olgeta lida man na ol projek impekt eria long mas luksave long dispela hevi na lukautim na sapotim dispela projek.

Pikinini Bundi na yut lida, John Tigavu i tokim ol pipel bilong KBK na Bundi i mas lukautim na sapotim Ramu NiCo bilong wanem dispale main i olsem wanpela mama i givim susu long ol pikinini i stap.


"Ramu NiCo i kamapim rot, bisnis, bris, na planti gutpela samt-ing. Ramu NiCo i bringim bikpela senis i kam insait long Bundi na Raikos. Ino gavaman. Yumi olsem pikinini i hangamap antap long susu blo mama. Taim Ramu NiCo rausim susu bai yumai dai ya," Mista Tigavu i toktok.

Ol polis man tu i bin karim aut awenes na tokim ol yut na manmeri na ol kam man long noken dring yawa, bia na kisim spak brus na bagarapim ol asples lain.

"Yu kamap ain man bai yu lok up long kontena na go Ramu Suga tret. Mipela inap stret long ol kain biket pasin pinis," ol polis i tok.

Lida man, Bare Diri i salensim olgeta manmeri na tokim ol long mekim gutpela haus lotu na stat go bek long lotu na litimapim Bikpela God na kisim gutpela tingting long kamapim gutpela sindaun.

"God i wokim graun, bus na ol risos na givim yumi ol pipol blong em. Em i no givim ol pik, dok na yumi bagarapim i stap. Sapos yumi olgeta i go long haus lotu na kisim gutpela tingting tude bai nogat kain ol bikhet pasin long komyuniti bilong yumi," Mista Diri i tok.



OFC na AFC i sainim patnasip

WOKBUNG wantaim na kamapim futbol long Osenia na Esia em i strongpela graun wok we Osenia Futbol Konfederesen (OFC) na Esian Futbol Konfederesen (AFC) i bin sainim Memorandum ov Andastending (MoU) long en long namba wan taim.

Presiden bilong AFC, Shaikh Salman bin Ebrahim Al Khalifa, na presiden bilong OFC, David Chung, i bin sainim tupela yia agrimen namel long tupela Konfederesen long Meksiko Siti taim Jenerel Seketeri bilong AFC, Dato' Windsor John, na wanwok bilong em long OFC, Tai Nicholas, i bin stap wantaim long dispela taim.

Chung i tok dispela patnasip i makim wokbung bilong developmen, edukesen na kompetisen bai larim tupela Konfederesen long ske-

lim ol infomesen, eksperiens, save, na wok gut long ol dispela hevi.

“Dispela em i namba wan sans bilong wok antap long save na eksperiens long olgeta 47 AFC Memba Asosiesen, taim yumi i skelim ol wan wan save mipela i gat long Osenia,” Chung i tok.

“Dispela em i stat bilong liklik rilesensip we em bai helpim olgeta Memba Asosiesen bilong yumi na mi laik tok tenkyu long wanwok bilong mi na Eksektiv Komiti bilong AFC long em i mekim bikipela wok na taim bilong em long gutpela stia bilong futbol.

“Mipela i gat bikipela amamas long wokbung wantaim susa Konfederesen bilong yumi na mipela i lukluk long strongim rilesensip bilong yumi.

“Skelim save, eksperiens na risos wantaim ol ol gutpela samting bai kamap long kompetisen bai bungim olgeta hap long Esia na Pasifik.”

Astingting bilong patnasip em i bilong kamapim strongpela futbol long tupela Konfederesen na Chung i tok olsem developmen bai stap pas long winim dispela mak.

Shaikh Salman i tok AFC i gat stronpela bilip olsem namba wan samting em tupela Konfederesen bai kamap wan.

“Long AFC mipela i bilip olsem tupela Konfederesen i ma s wokbung long ol bikipela na liklik wok wantaim long bungim ol gem aninit long FIFA plak.

“Long dispela rot tasol mipela bai strongim gen futbol na ol lain husat i save ranim futbol,” Shaikh i tok.



Presiden bilong AFC, Shaikh Salman bin Ebrahim Al Khalifa, na presiden bilong OFC, David Chung, i sanap wantaim Memorandum ov Andastending (MoU) we ol i bin sainim namel long AFC na OFC.

Tupela gol bilong Amini i helpim ol Kamali long win



Straika bilong ol Kamali i ranim bal taim birua pilaia bilong em i ran egensim em long baksait.

Philemon Tame i raitim

TUPELA gol bilong Raka Amini long namba tu hap bilong pilai i helpim ol Kamali long win, 4-1, egensim ol Kaparoko long namba wan de bilong Hekari Sentrel Kap resis long Bisin soka pilai graun i kamap long Mande.

Kamali i soim olgeta stail

bilong ol na i strongim banis bilong ol gut tru we ol i stap pas long namba wan hap, 1-0, na namba tu hap wantaim. Erick Tom i kikim bal i go insait long net long namba wan hap.

Amini i skorim namba wan gol bilong em bihain long em i karim bal i go klstu long gol kipa. Dispela i skruim skoa

bilong ol i go antap, 2-0.

Bihain long gol bilong Amini, Pilaia bilong Kaparoko, Phila Vela, i pait strong na i gat wanpela sans we em i putim wanpela gol bilong ol Kaparok.

Tasol, bihain long dispela, Ani Kila na Amini, i putim tupela moa gol na i daunim ol Kaporoko, 4-1.

Hekari Sentrel Soka Kap resis i go het long Bisini

Philemon Tame i raitim

HEKARI Sentrel Soka Kap resis bilong 2016 i go het long Bisini pilaia graun we ol fainel bai kamap long Fraide.

Kodineta bilong tonamen, Ericson Komeng, i tok 12 soka tim i resis, we ol i bin putim ol tim insait long tu-

pela grup olsem A na B.

Ol tim i stap long grup A em Papaka 2, Kalo, Karawa, Gemo, Alewai na Makerupu. Ol tim i stap long grup B em Keapara, Alukuni, Papaka 2, Hula, Kamali na Kaporoko.

Tonamen bai pinis long Fraide wantaim prais mani em; tim husat i kamap

namba wan ples bai kisim K8,000, namba tu ples bai kisim K4, 000, namba tri ples bai kisim K2, 000 na namba foa ples bai kisim K1, 000.

Ol awod bai go long ol pilai em; Golden But bai kisim K500, Namba wan pilaia bai kisim K500 na Golden Glov bai kisim K500.

Kalo i daunim Alewai, 5-1



Straika bilong ol Kalo, Ati Kepo, i redi long straikim bal.

Philemon Tame i raitim

TRIPELA gol bilong straika bilong Kalo, Ati Kepo, i daunim ol Alewai, 5-1, long namba tu de resis bilong Hekari Sentrel Kap long Bisin soka pilai graun long Tunde.

Kalo i kamap namba wan tim long straikim bal taim

Kepo i kisim skoa. Ol i stap pas, 3-0, long namba wan hap we Kepo i putim tupela gol na Karo i putim wanpela gol.

Long namba tu hap bilong pilai, Kepo i stap longwe na i kisim wanpela gol i skruim skoa bilong ol i go antap long 4 poin.

Bihain long wanpela minit, Brata bilong Ati, Kolu, i putim namba 5 gol bilong ol Kalo.

Straika bilong ol Alewai, Gima Vele, i kisim wanpela gol long las minit, tasol ol Kalo i daunim ol wantaim 4 poin.

Sempionsip resis bai kamap long Fraide.



Tupela tim i resis long namba wan de resis bilong Hekari Sentrel Soka Kap resis long Bisin pilaia graun long Mande.

Ghosts i daunim Talapia long men gem



Wanpela pilai bilong Talapia i abrusim tupela pilaia bilong ol Swamp Ghosts na i kik namel long tupela. Tasol, ol Ghosts i daunim ol Talapia, 10-6, long raun namba tri bilong Pot Mosbi Sabeben Ragbi Lig resis i kamap long las wik Sarere.

Philemon Tame i raitim
SWAMP Ghosts i daunim ol Talapia, 10-6, long mein gem resis bilong Pot Mosbi Sabeben Ragbi Lig i bin kamap long Kone Tigers pilai graun long las wik Sarere.

Dispela resis em i raun namba tri we planti tim i no bin pilai. Ol tim husat i no bin pilai long Sarere i bin resis long Sande.

Gem namba foa i bin kamap namel long ol Maunten Roosters na Helifix Warriors. Ol Warriors i daunim ol Roosters, 14-8.

Gem namba faiv i bin kamap namel long ol Maunten Bulls na Waliya we Bulls i daunim ol Waliya wantaim 8 poin na skoa i sanap olsem 16-8.

Marane K Rats na Easter-nend Yunaitet i bin statim pilai olsem gem namba wan. Gem namba tu i kamap namel long Wildlife Titans

na KSS Eagles na Bears na Erima Hurricanes i bin pait long gem namba tri.

Ol opisal bilong Pot Mosbi Sabeben i tokaut aut olsem ol bai i gat wanpela bung bi-long ol presiden bilong wan wan klap long 18 Me.

“Bung em i bilong ol pres-iden tasol. Ol kosa, tim kepten o ol narapela memba bilong wan wan klap em mipela bai no inap long lukim pes bilong ol long hap bilong bung,” ol opisal i tok.

Ol i tok moa olsem ol i laikim ol wan wan klap long putim olgeta yunifom long raun namba foa bai kamap long dispela wiken.

“Mipela i laik lukim olgeta klap i mas putim olgeta yu-nifom long soks inap siot. Mipela bai no inap long lukim ol klap i putim hap hap yunifom na kam pilai long raun namba foa,” ol opisal i tok.

“Na tu, ol pilaia i mas i gat

wanpela signisa long raun namba wan inap long las raun bikos ol man husat i save makim ol pilaia long ol wan wan klap long bikpela ragbi resis insait long kantri olsem Digicel Kap i kam i stap long makim ol pilaia husat i soim kala bilong ol gut tru.

“Ol bai makim ol wan wan pilaia husat i pilai gut aninit long wanpela signisa na nem bilong ol tasol. Long dispela astingting, yupela ol pilaia i mas i gat wanpela nem na signisa.”

Ol opisal i askim ol wan wan klap long Pot Mosbi Sabeben Ragbi Lig long bringim anda 20 skwat na tim bilong ol meri hariap long ol raun i stap yet. Ol i tok olsem bikos Sauten Zon Konfederesen resis bai kamap klostu na ol bai makim ol anda 20 na meri tim long go resis long ol Zon resis bai kamap insait long kantri.

Gurias i stap namba wan ples yet

AGMARK Rabaul Gurias i holim strong namba wan ples yet long Digicel Kap resis bihain long raun namba 5.

Ol Gurias i stap long namba wan ples wan-taim 10 poin we ol i bin stap sambai wan-pela taim na i win 4-pela taim. Ol i no lus long wanpela gem long dispela sisen, nogat.

Tim i stap long namba tu ples em ol Lae Snax Tigers wantaim 9 poin na ol i win long olgeta resis.

Ol Galp Isapeas i klap i kam antap long namba tri ples long lada wantaim 7 poin bi-hain long ol i daunim ol Bintangor Goroka Lahanis, 24-4, long las wik Sande long Sir Hubert Murray Stediam long Pot Mosbi.

Ol SNS Pot Mosbi Vipers i stap las ples

long lada wantaim tupela poin.

Raun namba 5 progresiv poin lada bilong Digicel Kap resis i sanap olsem;

- 1 Agmark Rabaul Gurias wantaim 10 poin
- 2 Lae Snax Tigers wantaim 9 poin
- 3 PRK Galp Isapeas wantaim 7 poin
- 4 EPG Enga Mioks wantaim 7 poin
- 5 Wamp Nga Maun Hagen Eagles wan-taim 7 poin
- 6 Kemele Hela Wigmen Wantaim 5 poin
- 7 Waghi Tumbe Wantaim 5 poin
- 8 Bintangor Goroka Lahanis wantaim 4 poin
- 9 PRK Mendi Muruks Wantaim 3 poin
- 10 SNS Port Moresby Vipers wantaim 2 poin

Raun namba 13, 14 na 15 bai kamap long NFS

...Hunters i stap namba tu yet long lada

Stori i kam long bek pes...

Ol risal bilong narapela resis em Townsville Blackhawks i daunim ol Central Queensland Capars, 34-16, Burleigh Bears i daunim ol Ipswich Jets, 30-18, Northern Pride i daunim ol Red-cliffe Dolphins, 20-16, Tweed Head Seagulls i daunim ol Sunshine Coast seagulls, 22-16, South Lagon Magpies i daunim ol Norths Devil, 12-20, na Wynnum Manly Seagulls i daunim ol Mackay Cutters, 62-16.

Long wankain taim, pilaia bilong SP Hunters, Justin Olam, i tok orait long joinim NRL klap, Melbourne Storm, sisen 2017 inap 2018.

CEO bilong PNG Ragbi Futbal Lig, Bob Cutmore, i tok Olam bai stap yet

wantaim Hunters long ol raun i stap yet long dis-pela sisen.

“Justin i tok promis long em yet na ol famili bilong em olsem, em bai givim inap taim long ragbi long go insait long NRL, na dispela tok promis i karim kaikai we em i gat bikpela sans long go insait long NRL,” Cut-more i tok.

Driman bilong Justin long pilai long NRL i karim kaikai.

“Dispela em i driman bilong mi long pilai long NRL resis. Em i bikpela sans bilong mi na mi bai givim olgeta taim bilong mi long tim mi bai pilai wantaim,” Justin i tok.

“Mi laik tok tenkyu long Bikman bikos Em i save stap wantaim mi

long olgeta taim.

“Mi tok tenyu tu long ol sponso bilong ol i mekim isi long ol pro-gram bilong Hunters, kosa Michael Marum, bipo klap bilong mi, Lae Snax Tigers, na ol poro na famili bilong mi.

“Na tenkyu long ol lain husat i sapotim,” Olam i tok.

Olam i joinim Lae Snax Tigers long yia 2014 na i pilai inap 2015 sisen. Dis-pela yia, 2016, em i namba wan sisen bilong em long pilai wantaim Hunters long Intras Supa Kap.

Na tu, em i bin joinim PNG LNG Kumuls na pilai egensim ol Fiji Bati long Pasifik Tes i kamap klostu taim na daunim ol Batis, 24-22.

Etletik PNG i tokaut long raun namba wan seleksen

ETLETIK PNG i tokaut long raun namba wan seleksen bilong Tim PNG bai go resis long Melanesien Sempion-sip long Fiji long mun Julai.

Seketeri Philip Rehder i lukluk long nem bilong ol etlit na i tok olsem Tim PNG i lukluk long salim strong-pela tim, tasol ol bai givim sans long ol etlit i stap long PNG na top junia etlit.

“Mipela bai redim sam-

pela rot bilong amamasim ol etlit husat i mekim gut long Pasifik Gems na ol etlit husat i trening strong insait long 6-pela mun,” Rehder i tok.

“Na tu, mipela i gat sam-pela gutpela junia etlit long ol narapela kantri olsem Miriam Penina Afure Adah. Tupela bai resis long dispela sempionsip.

Ol etlit ol i makim pinis long sprint na hurdle em

Nazmie Lee Marai, Ephriam Lerkin, Wesley Logorava, Peniel Joshua, Charles Livuan, Toea Wisil, Miriam Peni, Afure Adah, Donna Koniel.

Ol etlit bai resis long namel na longpela mak em George Yamak, Mary Kua na Jenny Albert, na long ol jump na tro em Steven Ray Robson Yinambe, Annie Topal, Debono Paraka na Jacklyn Trevertz.



Fowed bilong Agmark Rabaul Gurias i ran strong egensim ol birua pilaia.

Ol piksa bilong raun namba tri resis bilong Pot Mosbi Sabeben Ragbi Lig i kamap long las wik Sarere long Kone Tigers pilaia graun long Pot Mosbi.



MAKIM GUT: Huka bilong ol Roosters i laik kik i go insait long tupela gol pos taim ol Roosters i bin putim wanpela trai egensim Warriors. Warriors i win, 14-8, egensim ol Roosters.



RAN STRONG: Hevi fowed bilong ol Waliya i laik ran taim em i holim bal. Em i namba 11 pilaia bilong ol Waliya husat i putim wanpela trai bilong ol. Tasol, ol Bulls i daunim ol, 16-8.



KAPSAITIM WARA: Hevi fowed bilong ol Waliya i kisim bagarap long het na lek bilong em taim em i bam wantaim wanpela pilaia bilong ol Bulls. Ol i kapsaitim wara long kirapim em.



PUSIM EM I GO AUT: Ol Swamp Ghost i pusim winga bilong ol Talapia i go susait long lain.



KAM LONG HIA: Namba 13 lok bilong ol Helifix Warriors i redi long kisim takol long hevi fowed bi- long ol Roosters taim em i karim bal i kam.



TAKOLIM EM: Pilaia bilong Waliya i strong tumas na i abrusim wanpela pilaia bilong ol Maunten Bulls pinis, tasol ol Bulls kam kamap klostu long bungim em taim wanpela pilaia bilong ol i holim pasim em strong.



KISIM BAL GUT: Pilaia bilong ol Waliya i kalap i go antap na klostu tru em i dropim bal. Ol geta ol narapela pilaia bilong tupela tim wantaim i bihainim bal.



EM I KIRAP: Ol poro pilaia na referi i kirapim em bihain long ol i kapsaitim wara na karim em i go ausait long pilai graun.



HOLIM EM STRONG: Hevi fowed bilong ol Talapia i abrusim planti ol birua pilaia na ol Ghosts i ranim ol long takolim em. Ghost i daunim Talapia, 10-6.



DIANA Tuna

Niupela Swit Teist Nau Igat Moa Oil!



PNG's ORIGINAL TUNA

PNG MADE Manufactured by: RD TUNA CANNERS LTD.

Etletik PNG i tokaut long raun namba wan seleksen



Etletik PNG i tokaut long raun namba wan seleksen bilong Tim PNG bai go resis long Melanesien Sempionsip resis long Fiji long mun Julai.

Peniel Joshua i ran long 4x400 riley resis bilong ol man long namba tu plea i kam long rait han. Em i mekim wok redi long go na resis aninit long sprint na hurdle resis long Fiji bikos ol i mekim em pinis long go resis long Melanesien Sempionsip resis.

Stori i stap long pes 26

Raun namba 13, 14 na 15 bai kamap long NFS

...Hunters i stap namba tu yet long lada

RAUN namba 13, 14 na 15 resis bilong PNG SP Hunters long Intrus Supa Kap resis bai kamap long asples bilong ol long Nesenel Futbol Stediam (NFS), Pot Mosbi.

Asples resis bai kamap bihain long raun namba 11 we ol Hunters bai pilai egensim ol Central Queensland Capras long dispela wiken. Na raun namba 12 em ol bai pilai egensim ol Ipswich Jets, long asples bilong ol Jets.

Long wankain taim, ol Hunters i stap long namba tu ples yet long lada bilong Intrus Supa Kap bihain long raun namba 10.

Hunters i stap sambai long raun namba 10 resis na ol i isi tasol kisim tupela poin na i stap baksait long Blackhawks we Blackhawks i stap pas wantaim wanpela poin

tasol.

Kosa bilong SP Hunters, Michael Marum, i tok Hunters i stap namba tu ples long lada bihain long 7-pela win na tupela lus.

“Em i gutpela tru long stap long dispela kain ples long lada, tasol i gat bikipela hap i stap yet long go bilong dispela sisen,” Marum i tok.

“Dispela wiken em i raun namba 11 resis we mipela bai go long longwe rot i go long Rockhampton long pilai egensim ol Central Queensland Capras.

“Ol 11 pilaia bilong Hunters i bin pilaia long Pasifik Tes resis i pilim orait bihain long wanpela wik malolo, na ol narapela i bin malolo insait long tupela wik.

“Tasol, Watson Boas i kisim bagarap liklik long

taim bilong Tes pilai na mipela i givim em taim inap long Fraide, na mipela bai lukluk long em bai pilai orait o nogat,” Marum i tok.

Em i tok moa olsem ol bai kam bek long Mande, bihain long raun namba 11 resis long mekim wok redi long pilaia egensim ol premia, Ipswich Jets, long asples bilong ol Jets.

“Tripela raun, 13, 14 na 15, bai kamap long Nesenel Futbol Stediam long asples bilong mipela na mi laikim olgeta lain i save stap long Pot Mosbi i mas sapotim tim bilong yumi, PNG Hunters. Mipela i laik long lukim yupela long NFS long taim asples gem i kamap,” Marum i tok.

Ol East Tigers i stap sambai tu long wankain taim ol SP Hunters i stap sambai.

Ridim moa long dispela stori long pes 26



Mitsubishi FUSO Rosa Bus

Apgrred ensin
130Hp
4 silinda disel



Ikamap Wantaim 26 na 30 Sit

Hariap nau na go long Boroko Motors dila bilong yu

BOROKO MOTORS

Port Moresby ph: 325 5255 | Lae ph: 472 1144 | Mt Hagen ph: 542 1933 | Tabubil PH: 649 9048
Kimbe PH: 983 5035 | Madang PH: 422 2659 | Kokopo PH: 982 8193 | Goroka PH: 532 3552

Email: info@borokomotors.com.pg
Website: www.borokomotors.com.pg